

第三處：入法界

(三會)

一. 舍衛城祇樹給孤獨園

二. 福城東大塔廟

三. 善財童子五十三參



入 法 界 品

三. 善財童子五十三參

妙 覺
彌勒菩薩
文殊菩薩
普賢菩薩

入法界品善財童子五十三參之第五十一會彌勒菩薩(功德成就)之一

會處因緣		南方，海澗國，大莊嚴園嚴淨藏廣大樓觀。從菩薩善根果報生，從菩薩念力、願力、自在力、神通力生，從菩薩善巧方便生，從菩薩福德智慧生。彌勒菩薩摩訶薩安處其中。
善財童子承善知識教契入所學	聞法信行	爾時，善財聞如是等讚善知識諸菩薩行，如來正法；心大歡喜，踊躍無量，正念思惟菩薩所行。漸漸遊行，向海澗國；
	等覺地前行法成就(佛)	以過去際修身業力，及清淨心，遠離惡行，超出世間虛妄惑倒；求佛法實義，長養諸根，滿足大願，具精進力；不惜身命，饒益眾生，修菩薩行，積集佛法；見諸如來，淨一切剎，供養法師，護持正法；成就菩薩諸淨願身，善知緣起，修習不可思議善根。
	等覺地前行法成就(法)	作是念已，淨心信敬一切菩薩，如世尊想；修習諸根，心不顛倒，正念恭敬，離世間想；滿足諸願，出生無量菩薩化身，讚歎三世一切諸佛菩薩法門；智慧覺悟，如來菩薩，一切至處自在神力；乃至一毛孔中，佛、菩薩身，皆悉充滿無礙智眼，觀十方世界及虛空界，三世諸法。
		爾時，善財如是恭敬供養，具諸願忍；以無量智，觀境界地。
	見自性法	爾時，善財五體敬禮彼嚴淨藏高大樓觀，作如是念：此是諸佛菩薩、諸善知識；是諸佛塔；是如來像，諸佛菩薩、法寶住處；是聲聞、緣覺，亦是其塔；此是眾聖、亦是父母、亦是福田；此是一切法界境界。
	一切法界莊嚴從智境界起(僧)	作是念已，又復等觀，猶如虛空；等觀如法界，無有障礙；等觀如實際，至一切處；等觀如如來，除諸虛妄，無所染著；等觀如影、如夢、如電、如響，悉從緣起，非有非無，深心信解。隨諸業因，而受果報，知從信心，成等正覺。
		因解佛功德，供養諸佛；因恭敬心，出佛化身；因修善根，起諸佛法；因般若波羅蜜，起一切波羅蜜；因堅固願，起諸佛法；因諸迴向，起一切菩薩行。一切智境界法界，解了迴向非常、非斷，非生、非滅，非無因作。捨離有見、諸顛倒惑，謂從自在而生諸法；
		本有實性，次第而出；離我、我所，深達緣起；入諸法界，見有為法，猶如鏡像。離有無見，不生、不滅；滅邪癡惑，了諸法空，悉無自在；超出諸相，入無相際，而亦不違種生芽法，悉知一切從因緣生，如因印故而生印像，如鏡中像、如電、如夢、如響、如幻，各隨因有。一切諸法，亦復如是，隨業受報，以善方便，潤澤諸法。
	依甚深信解及善思維見自性地大樓閣	爾時，善財禮未起間，知法如是，得不思議善根；柔軟身心，稽首禮畢，敬遶十匝，合掌諦觀。復作是念：此是解空無相願者之所住處；離虛妄者之所住處；住法界者；了知眾生非實有者；…(九十種住大樓閣成就者即依自性地圓滿成就而入普賢法界圓滿利益眾生者。見附C51-0)
		爾時，善財以偈頌曰：(善財童子說五十五偈頌，見附C51-1)
	見善知識從別處來	爾時，善財讚歎樓觀諸菩薩已，合掌恭敬供養；禮訖，於門下立，欲見彌勒菩薩。爾時，遙見彌勒菩薩，與無量天、龍、夜叉、乾闥婆、阿修羅、迦樓羅、緊那羅、摩睺羅伽、人、非人等，大眾圍遶，從外而來。威德特尊，普照一切；不染世法，超出一切世間眾魔境界；滅諸障礙，深入如來菩薩境界；供養諸佛，等諸佛法；冠解脫繒淨妙天冠，住大智網；於諸佛所，得一切智；甘露灌頂，生諸佛法，得薩婆若。

入法界品善財童子五十三參之第五十一會彌勒菩薩(功德成就)之二

善財童子承善知識教契入所學	善財童子發心徵詢		爾時，善財頭面敬禮，一心合掌，白言：大聖！云何菩薩學菩薩行、修菩薩道？既修學已，具一切佛法，隨所請眾生，悉令度脫，成就大願；究竟一切菩薩所行，安慰一切諸天世人；不負本心，不違三寶，不欺天人，不罔眾生，不斷佛種，持菩薩家，如來正法；如是等事，唯願演說。
	總說發心因緣及十波羅蜜圓滿		爾時，彌勒觀察大眾，指善財言： 汝等見是童子，問菩薩行，具足一切功德者不？此童子者，勇猛精進，專求實義，以正直心，得不退轉，常修勝法，心無厭足，如救頭然，求善知識，親近供養，聞法受持。此童子者，昔於頻陀伽羅城，受文殊師利教，求善知識，展轉經由一百一十諸善知識，問菩薩行，心無疲倦，次來我所。
	趣向大乘住佛境界		如是童子，學大乘者，甚為希有，成滿大願，能辦大事，具大莊嚴，常以大慈，救護眾生，起大精進波羅蜜，示導大眾，乘大法船，度生死海，令住大道，得大法寶，長養大智。如是之人，難得聞見，親近共住，同行亦難。
	彌勒菩薩讚歎善財童子自性地精進入普賢法界	佛	何以故？此童子者，發心救護一切眾生，除滅眾苦，惡道諸難，邪見險路，愚癡之闇，超出生死，壞一切趣輪，度魔境界，於一切世間，無所染著；出欲泥，解貪縛，除邪倒，摧慢幢，拔使刺，廢諸蓋，裂愛網，滅無明，竭有流，離諂幻，淨心垢，釋疑惑；度無智海，厭生死苦，乘大法船，濟四使流，於大愛河，造智慧橋；愚癡闇中，然智慧燈：於生死路，示以正道；
		法	煩惱病者，令服法藥；生老死者，授甘露法；三毒盛者，滅以定水，令得清涼；諸憂怖者，施以無畏；三有獄者，開以智門；邪見縛者，斷以慧劍；住三界城，開解脫門；在危險者，示安隱處；懼結賊者，施以無畏；墜三惡塹者，俯接令出；為陰賊害者，置涅槃城；著眾生者，示八正道；住六入空聚者，拯以慧明；失津要者，示以正濟；近惡知識者，令親善友；樂童蒙者，誘以聖法；樂住生死宅者，普令超入一切智城。
		僧	救護一切眾生之類，不捨清淨，求菩提心，積集大乘，心無疲倦，飲正法雨，而無厭足；勇猛究竟諸功德事，淨諸法門，修菩薩行，心無疲懈；不退方便，出生大願，見善知識，心樂無厭；奉給所為，隨順其教，不以為苦。
	童子菩薩行精進成就	佛	諸善男子！世間有能發起無上菩提心者，甚為希有，若發心已，如是精進求佛法者，亦甚希有；如是樂欲，淨菩薩道，具菩薩行，不惜身命，求善知識，不違其教；集菩提分，不貪利養，不捨菩薩正直之心；不著家業，不染五欲，不戀父母及諸親族，但樂專修一切種智；如是之人，倍復希有。
		法	諸善男子！若有菩薩，如是學者，則能究竟菩薩所行，成滿大願，近佛菩提，淨一切剎；教化眾生，深入法界，具足一切諸波羅蜜；廣菩薩行，畢本意性，出於魔業；值遇一切諸善知識，於一生中，能具普賢菩薩諸行。
		僧	此童子者，入威儀海，諸智慧海；修菩提海，菩薩行海；成滿一切諸佛願海；詣諸剎海；見諸佛海；入眷屬海；行供養海；聞正法海；飲妙法海；成滿一切菩薩力海。顯現一切自在力雲，一切眾生，無不見者。滅一切煩惱處；入一切佛處；入諸法門處；入諸三昧處；住諸通明處；遊行法界處；如日月出，照一切眾生處。不依諸相，如空中鳥；常樂寂靜，無壞法門；遍遊因陀羅網世界，諸佛世界，如風無礙，深入法界；現諸世間，見三世佛，心大歡喜，踊躍無量；隨諸佛教，為聖法器；得諸法門，具菩薩行，現自在力。

入法界品善財童子五十三參之第五十一會彌勒菩薩(功德成就)之三

善財童子承善知識教契入所學	彌勒菩薩讚歎善財童子自性地精進入普賢法界	童子成就圓滿	佛 波羅蜜	善財！汝今得最大利；於無量劫，難聞見者，汝悉聞見，知彼功德；所謂：得見文殊師利，積無量德，遠離一切險難惡道，安住正法；過童蒙地，住諸菩薩功德之地，具智慧地，得諸佛地，菩薩行海；成滿虛空等諸佛智藏，專求無量諸妙功德，心無厭倦。若能如是堅直心者，則能樂求諸善知識，具菩薩行；教化眾生，具不思議清淨之信；諸妙功德，正法義者，悉得觀見一切佛子。
			法 波羅蜜	善財！汝今獲大善利，次第觀見諸佛真子；隨彼自說，願行所得，汝從聞已，皆悉具得，如是行者，於無量劫之所難辦；以是因緣，諸佛子等，次第為說，難聞見者，汝悉聞見。從彼聞法，現自在力，為一切佛之所護念，菩薩所攝；隨順彼教，得大善利，長養一切諸菩薩性，學諸功德，不斷佛種；常為諸佛甘露灌頂，不久當與諸佛子等，隨前眾生，因其修善，皆悉令獲勝妙果報。
			僧 波羅蜜	善財！汝應發大歡喜，不久當得大果報故；無量菩薩，於無數劫，修菩薩行；汝今一生，皆悉具得，皆由直心精進力故。其有欲得如是法者，當如善財之所修學，便得究竟諸菩薩行，滿一切願，達一切法；譬如慶雲，隨所覆處，能降甘澤；隨智慧願，具菩薩行，亦復如是。
	修行成就合會根本智得菩薩授記	成滿大願 親近諸佛 為佛真子 必成佛道		善財！當知我所顯說，皆是普賢菩薩所行，應當了知，近善知識。過去諸佛，專求菩提，修習此行；於無量劫，諸有為中，受無量苦，猶不值遇過去諸佛，不具是行。
				善財！汝今皆得成就，聞諸佛法，行菩薩行；其有眾生，聞是行者，得大善利；成滿大願，親近諸佛，為佛真子，必成佛道；清淨解脫，除滅諸惡，遠離眾苦，積功德聚；清淨法身，遊行十方，見諸如來菩薩大眾，長養善根，如水蓮華；值遇諸佛，聞持正法，安住佛道，具諸佛願，究竟諸佛功德彼岸。
				爾時，彌勒告善財言：汝可往詣文殊師利，問諸法門智慧境界，普賢所行；彼當為汝，分別演說。
				爾時，善財聞是語已，悲泣流淚；文殊師利即時申臂，遙授善財華寶瓔珞。善財得已，歡喜供散彌勒菩薩；彌勒菩薩即以右手摩善財頂，讚言：善哉！善哉！佛子！汝亦不久當與我等。
				爾時，善財踊躍無量，以偈頌曰：
				無量無數劫，難得聞見者，我今得奉觀，無上善知識。
				文殊我所尊，究竟功德岸，蒙見善知識，願速還親近。
	童子發心徵詢			爾時，善財五體敬禮彌勒菩薩，合掌白言：大聖！我已先發阿耨多羅三藐三菩提心，而未知菩薩云何學菩薩行、修菩薩道？
		童子說彌勒菩薩成就		大聖今者已為諸佛授一生記，證於菩薩離生正法，住菩薩住；究竟一切諸波羅蜜，具足一切諸法忍門；成就菩薩一切諸地，自在遊戲，一切法門；得一切三昧，到於菩薩隨所至趣；逮得一切陀羅尼辯才，方便光明，具足成就菩薩自在；積集一切助菩提分，遊戲巧方便慧；得一切通明；隨所修學，悉已究竟菩薩諸行；具一切願，知諸乘門，持如來持，攝佛菩提，守護一切諸佛法藏；

入法界品善財童子五十三參之第五十一會彌勒菩薩(功德成就)之四

菩薩成就當位行者圓滿位	童子發心徵詢	童子說彌勒菩薩成就	<p>出生智寶菩薩功德，如來密教，常為菩薩大眾上首。為煩惱賊所逼迫者，以勇猛力，能為摧滅，令得安隱；生死曠野，迷正路者，示以正道；煩惱患者，治以良醫；諸眾生尊為天中天，為無上聖。勝出二乘生死海者，為作導師，而度脫之，張大教網，亘生死海；諸調伏者，攝而取之，長養善根，安立菩薩；於無礙乘，究竟一切諸菩薩事，住諸佛所。(善財童子說彌勒菩薩五位行法成就功德，此處缺文嚴重，請參考八十華嚴及四十華嚴相應經文)</p> <p>唯願大聖，為我演說云何菩薩學菩薩行、修菩薩道。</p>
		彌勒菩薩讚歎說偈	<p>爾時，彌勒菩薩摩訶薩觀察善財，指示大眾，歎其功德，以偈頌曰：(六十八偈見附C51-2，此處缺文，四十華嚴具百十三首偈)</p> <p>爾時，彌勒菩薩以如是等，讚歎善財諸妙功德，令無量眾生發道心已，告善財言：善哉！善哉！童子！乃能發阿耨多羅三藐三菩提心，專求一切佛法，饒益一切世間，救護一切眾生。</p>
	善根成就普攝智道	發菩提心功德(佛)	善男子！汝得善利人身壽命，值遇諸佛，得見文殊師利大善知識；汝為法器，善根潤澤，長清白法，淨勝欲性，為善知識之所總攝，諸佛護念。何以故？菩提心者，則為一切諸佛種子，能生一切諸佛法故；菩提心者，則為良田，長養眾生白淨法故；菩提心者，則為大地，能持一切諸世間故；…(彌勒菩薩讚歎菩提心百十七種功德，見附C51-4)
		發菩提心智道(法)	<p>佛子！菩提心者，如是無量功德成就，悉與一切諸佛菩薩諸功德等。何以故？因菩提心，出生一切諸菩薩行，三世諸佛成正覺故。</p> <p>(彌勒菩薩說百另二種得菩提心功德譬喻，見附C51-5)</p>
		所成就功德(僧)	善男子！菩提之心，成就如是無量功德；若有眾生發菩提心，則具如是無量功德。是故，善男子！汝得善利，發阿耨多羅三藐三菩提心，修菩薩行，具足如是無量功德。
	依菩薩教入自成就大樓閣	菩薩勸善財童子入自性地大樓閣	<p>善男子！汝先所問：云何菩薩學菩薩行、修菩薩道者？汝今入是明淨莊嚴藏大樓觀者，則能了知學菩薩行、修菩薩道，具足成就無量功德。</p> <p>爾時，善財童子敬遶彌勒菩薩，合掌白言：唯願大聖開樓觀門，令我得入。</p> <p>爾時，彌勒菩薩即彈右指，門自然開，善財即入；入已還閉。(因緣顯現曰開，自性地無內外出入曰閉)</p>
			爾時，善財觀察樓觀，廣大無量，猶如虛空，眾寶為地。
			有阿僧祇窓牖，却敵欄楯，七寶合成。
		見大樓閣十種莊嚴	阿僧祇幡幢蓋莊嚴，阿僧祇寶瓔珞垂帶，
			阿僧祇大師子幢半月寶像，諸寶繒綵。
			又阿僧祇天冠寶衣而以莊嚴，阿僧祇寶網羅覆其上，
			阿僧祇金鈴，自然演出微妙音聲。
			又雨無量寶華鬘雲，諸妙香雲，雨阿僧祇細末金屑，
			放阿僧祇勝妙光明，普照一切。有阿僧祇異類眾鳥，出和雅音。
			雨阿僧祇優鉢羅鉢曇摩分陀利華，出阿僧祇摩尼寶光，普照一切。
			於樓觀內，具有百千諸妙樓觀，不相障礙，莊校嚴飾，亦如上說。

入法界品善財童子五十三參之第五十一會彌勒菩薩(功德成就)之五

彌勒菩薩成就當位行者圓滿位	入大樓閣中	自見其身遍一切處樓閣中	爾時，善財觀見樓觀不可思議眾妙莊嚴，心大歡喜，踊躍無量；其心柔軟，離諸妄想，除滅一切愚癡闇障，正念思惟，專求妙趣，以無礙身恭敬作禮。
			禮已，彌勒菩薩威神力故，諸樓觀中，自見其身，又見無量自在神力，不思議事。
	善財童子於大樓閣中十波羅蜜圓滿成就和會境界即自成就和會境界	佛	或見彌勒，隨本種姓，壽命知識，長養善根，諸劫世界，一切佛所，及諸眷屬，因諸大願，初發阿耨多羅三藐三菩提心；
		法	或見初得慈心三昧，因以為名。或見彌勒行菩薩行，滿足一切諸波羅蜜，諸忍、諸地，淨佛世界，見諸如來，聞法受持，守護正法，為大法師，得無生忍，知某方處，某如來所，劫數多少，而得受記。
		僧	或見彌勒為轉輪王，十善化世；或為四天王，饒益一切眾生；或為帝釋，訶責五欲；或為夜摩天王，讚不放逸；或為兜率天王，讚歎一生菩薩功德；或為化樂天王，讚自在法；或為魔王，說無常法；或為他化自在天王，讚歎菩薩莊嚴化身；或為梵王，讚歎四無量心；或為阿脩羅王，調伏眷屬，入大智海，了達諸法悉如幻化；
		精進	或為閻羅王，放大光明，普照地獄，滅一切苦。或以肴膳飲食，施諸餓鬼；或為畜生受種種身，而為說法，除其癡闇；
		禪定	或為四天王眷屬說法，乃至為諸梵天王眷屬說法；或為諸龍眷屬說法，乃至為人、非人等眷屬說法；或為聲聞、緣覺，及諸菩薩大眾說法；或為發心菩薩，乃至十地菩薩說法。
		般若	或見讚歎初發心菩薩，乃至十地菩薩功德；或見滿足一切波羅蜜，入於平等諸法忍門、廣三昧門、樂深法門，修禪三昧，出生通明，充滿一切，行菩薩行，隨順世間，成就大願；或見與同行菩薩俱，饒益眾生；或見與一生菩薩，諸佛現前，授記者俱。
		方便	或見彌勒於百千劫，經行誦念，書寫經卷，無有懈怠；或觀法門，思惟實義；或入諸禪，四無量心，解脫三昧，一切入等；或見出生菩薩通明；
		願	或見正受變化三昧，一一毛孔出化身雲，所謂：天身雲，諸龍、夜叉，乃至摩睺羅伽身雲，四天王身雲，乃至梵王身雲，轉輪聖王、王子、大臣、長者、居士、聲聞、緣覺、如來身雲，復見一一毛孔中，出一切眾生等化身雲。
		力	或出菩薩法門，所謂：讚歎菩提心功德門，檀波羅蜜門，乃至願波羅蜜門；四攝諸禪、無量三昧、通明總持、諸諦諸辯、止觀解脫、緣起念處、正勤神足、根力覺道、聲聞、緣覺二乘所行、菩薩大乘、諸地諸忍、菩薩願行，現如是等一切法門。
		智	或於樓觀，見諸如來，大眾圍遶、又知諸佛家族不同，種姓不同，其身壽量劫刹，教授無量法門，正法住世，分別了知，皆悉不同。
	善財童子見一切處彌勒菩薩圓滿成就		爾時，善財諸樓觀中，見一樓觀，高廣嚴飾，勝妙於前，包容三千大千世界、百億閻浮提、百億兜率天。菩薩命終降神，受胎出生，遊行七步，觀察十方，大師子吼，帝釋、梵王恭敬奉侍，現童子身，處宮殿中，出遊園觀，以薩婆若心，出家苦行，現受乳糜，往詣道場，降伏眾魔，觀菩提樹，轉正法輪，昇天宮殿，方土劫數，眷屬壽量，行菩薩行，滿足大願，演說正法，教化眾生，現分舍利，皆悉不同。

入法界品善財童子五十三參之第五十一會彌勒菩薩(功德成就)之六

善財童子成就當位行者圓滿位	善財童子自見根本智成就之相	佛	正覺成就	爾時，善財自見己身在諸佛所，見如是等諸奇特事。又聞樓觀諸金鈴中，出不思議微妙音聲，所謂：初發菩提心聲；菩薩所行諸度願聲；恭敬供養，不可思議諸佛音聲；淨佛刹聲；佛法雲聲。諸莊嚴具，亦出如是微妙音聲。
		法波羅蜜	聞法成就	又聞某菩薩，在某世界，於某劫中，某知識化迴向善根，出生大願；於某佛所，大眾之中，發菩提心聲。又聞菩薩修習諸行劫數多小，於某刹中，成正覺聲；如是名號，壽量長短，滿足大願，化眾生聲；於諸菩薩、聲聞、緣覺、大眾之中，現般涅槃法住世聲。
		僧波羅蜜	淨行成就	又聞菩薩於某世界，悉能廣行檀波羅蜜，淨持禁戒，修習忍辱，發行精進，入諸禪定，習應智慧；為求法故，捨諸珍寶、國城、妻子、頭目、手足。守護正法，為大法師，施清淨法，設大法會，建大法幢，擊法鼓，吹法螺，雨法雨，興立塔廟；種種莊嚴，安樂眾生，護佛法藏。又聞某佛，在某世界，於某劫中，成等正覺，眷屬多小，壽命長短，滿足大願，教化眾生。
		合會		聞如是等不可思議微妙音聲，身心柔軟，歡喜無量；即得無量陀羅尼門、辯才門、忍門、精進門、大願門、通明門、智慧門、解脫門、波羅蜜門、三昧門。(依自性地成就而見所現境界)
	見相應十波羅蜜所現境界成就	佛		爾時，善財於寶鏡中，見諸如來及其眷屬；諸大菩薩、聲聞、緣覺；淨世界、不淨世界、雜世界；或世界有佛、或世界無佛、或上、中、下世界；或有世界如因陀羅網；或有翻覆仰伏世界。
		法		又復覩見平正世界，悉分別知五道別異。
		僧		又見無量阿僧祇諸大菩薩，經行禪定，觀察諸法，發大悲心，普覆眾生，造種種論，辯眾義趣、或書經卷；或問、或答，或見出生三種迴向，及諸大願，悉皆覩見如是等事。
		精進		又見諸寶柱中，普放無量青黃赤白淨玻瓈色，因尼羅寶閻浮檀金諸光明網；
		禪定		又見珠瓔珞中，出八功德香水；瑠璃寶中，出無量光明。
		般若		又見優鉢羅鉢曇摩分陀利中，生諸妙華，大如車輪；華中悉見男女、大小、釋梵四王、諸龍、夜叉，乃至人、非人等，及諸象馬、聲聞菩薩、一切眾生，種種形類，皆悉恭敬，合掌禮佛。
		方便		又寶樹中，悉見種種妙色之身，所謂：如來身、菩薩身、天龍八部等身、釋梵天身、轉輪王身、四部眾身；各各執持眾供養具，尊重讚歎，恭敬禮拜。
		願		又見半月像中，放阿僧祇日月光明。又見彌勒於過去世修菩薩行，布施頭目、髓腦、手足、肢節，一切身分、國城、妻子，種種諸物，隨其所須，盡給施之。
		力		又見彌勒讚歎諸佛，恭敬供養；或為醫王，療治眾病；失正路者，示以正道；或為大船師，導至寶洲；或為馬王，荷負眾生，令離鬼難；或為論師，造諸經論；或為轉輪王，十善化世；或見孝順父母，近善知識，不違其教；或見聲聞、緣覺、菩薩、如來形色，教化眾生；或為法師，讚歎佛法，禪思誦念，興諸福業，造立塔廟諸妙形像，以香華鬘恭敬供養；或教眾生三歸、五戒、八齋、十善，出家學道，聞法受持，正念思惟，住菩提心。
		智		又見彌勒於無量劫，行六波羅蜜，化眾生事；又見彌勒無量劫中諸善知識。

入法界品善財童子五十三參之第五十一會彌勒菩薩(功德成就)之七

善財童子成就當位行者圓滿位	證得圓滿得菩薩教		爾時，彌勒菩薩告善財言：善來童子！汝見樓觀諸大菩薩不可思議自在力不？唯然，已見。
	菩薩見證善財童子所得十波羅蜜入法界成就	佛	譬如有人，夢中觀見山林、河池、大海、須彌諸天宮殿，四天下中一切像類，見如是已，歡喜無量。爾時，善財亦復如是，以大菩薩威神力故，遠離虛妄，見三界法皆悉如夢；菩薩智慧無礙法門，入諸菩薩莊嚴法門，究竟菩薩不可思議諸妙方便，顯現菩薩神力自在。
		法	譬如有人當命終時，見中陰相；所謂：行惡業者，見於地獄、畜生、餓鬼，受諸楚毒；或見閻羅王持諸兵仗，囚執將去；或見刀山；或見劍樹；或見利葉割截眾生；或見鑊湯鬻治眾生；或聞種種悲苦音聲。若修善者，當命終時，悉見一切諸天宮殿；或見天女，種種莊嚴，遊戲快樂。見如是等諸妙勝事而不自覺；死此生彼，但見不可思議行業境界。善財童子亦復如是，於樓觀內，見諸菩薩不可思議勝業境界。
		淨行	譬如有人，為非人所持，見種種形類，若有問難，悉能應答；善財童子亦復如是，以大菩薩威神力故，悉能分別，正念思惟一切諸法。
		精進	譬如有人入於龍宮，七日半月，一歲百歲，謂為須臾；善財童子亦復如是，入彌勒菩薩神力宮殿，於百千劫，謂如須臾。
		禪定	譬如梵宮，名莊嚴藏，於中悉見三千世界異類形像；善財童子亦復如是，於樓觀中，悉見一切未曾有事。
		般若	譬如比丘得一切入定，行、立、坐、臥，隨彼境界，悉現在前；善財童子亦復如是，於樓觀中，隨彼境界，悉分別知。
		方便	譬如人見乾闥婆城，無所障礙；善財童子亦復如是，於樓觀中，見一切法，無所障礙。
		願	譬如有人昇天宮殿，見人住處，無所障礙；
		力	譬如大海，於中悉見三千世界，一切品類；
		智	譬如幻師，悉能顯現一切形色；善財童子亦復如是；於樓觀中，彌勒菩薩威神力故，悉見一切未曾有事，無所障礙。
彌勒菩薩合會善財童子	彌勒菩薩入樓閣中合會善財童子		爾時，彌勒菩薩攝威神力，即時彈指告善財言：善男子！汝從定起。從定起已，而告之曰：汝觀見此菩薩神力自在，大願功德，依果菩薩莊嚴，修習奇特諸深妙行；出生死道一切法門，無量莊嚴，諸佛大願，不可思議菩薩三昧；如是等事，汝悉見不？
	入三世智正念思惟莊嚴藏法門		善財答言：唯然，已見。蒙善知識威神力故。爾時，善財白言：大聖！此何法門？ 答言：入三世智正念思惟莊嚴藏法門。善男子！一生菩薩得如是等不可說不可說法門。
	莊嚴法所來去	總說去來	大聖！此諸奇特妙莊嚴法，從何所來？答言：菩薩神力之所出生，而亦不在神力之中；不來、不去、無積聚處。
		無所從來	譬如龍雨，不從身心，但以發意，欲雨則雨；然彼境界，不可思議。善男子！此諸奇特妙莊嚴法，亦復如是；無所從來，但以菩薩神力出生。
		亦無所去	善男子！譬如幻師，現種種事，無來去處；但以幻力，現種種事。此諸奇特妙莊嚴法，亦復如是；無來、無去，無住、無著，不生、不滅，但學菩薩智願力故，現如是事。

入法界品善財童子五十三參之第五十一會彌勒菩薩(功德成就)之八

彌勒菩薩合會善財童子論述菩薩成就因緣	菩薩從自性地佛法僧處來		爾時，善財白言：大聖！從何所來？（菩薩來處）
		佛	依正覺處來
		法	依大悲等七種法處來
			善男子！菩薩但為教化救護眾生，從大慈悲來，滅眾生苦故；
			從菩薩淨戒道來，隨其所樂，自在生故；
			從菩薩大願道來，本發意故；
			從菩薩神通道來，滅眾生苦，住佛所故；
			從菩薩無增損趣來，不失身心諸善業故；
			從菩薩慧方便來，隨順一切眾生類故；
			從菩薩化身趣來，如電鏡像故。
		僧	依化眾生處來
	菩薩依自性地成就生起十波羅蜜住處		善財白言：大聖！何等為菩薩生處？（菩薩生處）
			答言：善男子！菩薩有十種生處，何等為十？所謂：
		佛	菩提心，是菩薩生處，生菩薩家故；
		法	正直心，是菩薩生處，生善知識家故；
		僧	安住諸地，是菩薩生處，生諸波羅蜜家故；
		精進	出生大願，是菩薩生處，生菩薩行家故；
		禪定	大悲，是菩薩生處，生四攝家故；
		般若	真實觀法，是菩薩生處，生般若波羅蜜家故；
		方便	摩訶衍，是菩薩生處，生方便波羅蜜家故；
		願	教化眾生，是菩薩生處，生菩提家故；
		力	智慧方便，是菩薩生處，生無生法忍家故；
		智	隨順諸法，是菩薩生處，生三世諸佛家故。
		法波羅蜜	菩薩十波羅蜜行法生處
			善男子！菩薩摩訶薩以般若波羅蜜為母；大方便為父；檀波羅蜜為乳；尸波羅蜜為乳母；羼提波羅蜜為莊嚴具；毘梨耶波羅蜜為養育者；禪波羅蜜為潔淨；善知識為師；菩提分為朋友；一切善根為親族；一切菩薩為兄弟；菩提心為家；如說修行為家地；菩薩所住為家處；菩薩忍法為豪尊；出生大願為巨富；具菩薩行為順家法；讚摩訶衍為紹家法；甘露灌頂一生菩薩為王太子，能淨修治三世佛家。
		僧	菩薩所具種性
			佛子！如是菩薩，超凡夫地，證離生法；生如來家，住佛種姓，不斷三寶；守護一切菩薩種姓，淨所生處，離諸惡道，悉為一切天人、釋梵、沙門、婆羅門恭敬供養；以生佛家，滿足一切大願藏故。

入法界品善財童子五十三參之第五十一會彌勒菩薩(功德成就)之九

彌勒菩薩合會善財童子論述菩薩成就因緣	菩薩依自性地成就生起十波羅蜜住處	精進波羅蜜	菩薩種性所能成就世間自在		佛子！菩薩摩訶薩生如是家，					
				佛	知一切法悉如電光，一切趣中，受生無厭；					
				法	了趣如化，雖現處中而無所著，					
				僧	達一切法悉無有我，心無憂悔，					
				精進	以大慈悲教化眾生而不疲倦；					
				禪定	了達生死皆悉如夢，於一切劫行菩薩行而不懈廢；					
				般若	了知五陰皆悉如幻，不畏生死，					
				方便	知諸法界，心無所著；					
				願	了一切法如熱時焰，於一切行不生倒惑，					
				力	遊戲幻法，超魔境界；					
				智	得淨法身，離煩惱業，					
				總說	於諸趣中而得自在，無顛倒惑。					
	禪定	菩薩正覺身遍諸法界	善男子！我淨法身，充滿一切法界，現一切眾生等色；一切眾生等音聲；一切眾生等名號；一切眾生等威儀；現一切眾生等隨順世間；現一切眾生等受生；現一切眾生等童子身；一切眾生等想；出生一切菩薩大願，為變化身，與眾生等充滿法界。							
			般若	菩薩化度身生於世間	若諸同行，失道心者，還令發起菩提心故；我於此閻浮提南界，摩離國內，拘提聚落，婆羅門家種姓中生，為欲滅彼憍慢心故，化度父母及親族故，於中受生。					
						種種方便	善男子！我於南方，隨諸眾生所應，示現而化度之；			
					願／力	隨順眾生宣說大智法門	於此命終，生兜率天。為欲化度彼諸天故，顯現勝妙智慧功德，消欲渴愛，令知諸行皆悉無常，天趣壽命，盛必有衰，入摩訶衍一生菩薩，皆悉雲集；為欲教化諸同行故，欲開釋迦牟尼世尊所化蓮華，現彼受生。			
					智	大智和合	善男子！我於彼中，壽終下生，成正覺時，汝及文殊師利俱得見我。			
					佛	於善知識起善思惟	善男子！汝今往詣文殊師利，問云何菩薩學菩薩行、修菩薩道，具足成就普賢所行？彼當為汝分別演說。何以故？文殊師利滿足無量億那由他菩薩願行，常為無量億那由他諸佛之母。			
	推薦精進	法	具無量法住最深智能令圓滿	又為無量億那由他諸菩薩師，勇猛精進，教化眾生，名稱普聞十方世界；常於一切諸佛眾中，為大法師，悉為諸佛之所讚歎，安住甚深智慧法門，分別了知一切法界；於無量劫，修諸法門，究竟普賢菩薩所行。						
				僧			十種成就	善男子！文殊師利是汝善知識，能令汝得生如來家，長養善根，積功德聚；能示語汝諸善知識，滿足大願，顯現一切菩薩不可思議功德。是故，善男子！汝應一心尊重，恭敬往詣其所。何以故？汝先所見諸善知識，修菩薩行，滿足大願，得諸法門，皆由文殊師利威神力故。		
								戀德禮辭		
								時，善財童子頭面敬禮彌勒菩薩，遶無數匝，辭退而行。		

附C51-0：入法界品善財童子第五十一會善財童子說大樓閣所住處之一

卷本			六十華嚴	四十華嚴
菩薩等妙覺地十波羅蜜成就	佛十波羅蜜	佛	此是解空無相願者之所住處；	此大樓閣，是解甚深空，無相願，三解脫者之所住處，
		法	離虛妄者之所住處；	此大樓閣，是於諸法了達法性無分別者之所住處，
		僧	住法界者；	此大樓閣，是了法界本際平等無差別者之所住處，
		精進	了知眾生非實有者；	此大樓閣，是知一切諸眾生界不可得者之所住處，
		禪定	知不生者；	此大樓閣，是知一切諸法無生住滅者之所住處，
		般若		此大樓閣，是不執著一切世間者之所住處，
		方便	知一切世間無所著者；	此大樓閣，是不執著一切窟宅者之所住處，
		願	方便分別一切眾生者；	此大樓閣，是不愛樂一切聚落者之所住處，
		力	一切無所依者；	此大樓閣，是不依著一切境界者之所住處，
		智	離一切相者；	此大樓閣，是能遠離一切相者之所住處，
	法十波羅蜜	佛	(疑缺文)	此大樓閣，是能壞散一切妄想者之所住處，
		法	知一切法無自性者；	此大樓閣，是知諸法無自性者之所住處，
		僧	不虛妄取一切業者；	此大樓閣，是斷一切分別業者之所住處，
		精進	了知一切心意識相者；	此大樓閣，是離一切想心意識者之所住處，
		禪定	知一切道，非出、非不出者；	此大樓閣，是於一切法不來不去不入不出者之所住處，
		般若	住一切甚深大智度者；	此大樓閣，是入一切甚深般若波羅蜜者之所住處，
		方便	方便充滿普門法界者；	此大樓閣，是能方便安住一切普門法界者之所住處，
		願	寂滅一切眾煩惱者；	此大樓閣，是能寂靜息滅一切煩惱火者之所住處，
		力	智慧斷除見愛慢者；	此大樓閣，是以勝慧除斷一切見愛慢者之所住處，
		智	一切禪定解脫三昧神通遊戲者；	此大樓閣，是出生一切諸禪解脫等持等至三昧通明而遊戲者之所住處，
	僧十波羅蜜	佛	修一切菩薩三昧境界者；	此大樓閣，是觀察一切諸大菩薩三昧境界者之所住處，
		法	安住一切如來所者；	此大樓閣，是安住一切諸如來所親近依止者之所住處，
		僧	以一劫為一切劫，以一切劫為一劫者；	此大樓閣，是以一劫入一切劫，以一切劫入於一劫，而不壞其相者之所住處，
		精進	以一切剎為一剎，以一剎為一切剎，而亦不壞諸剎相者；	此大樓閣，是以一剎入一切剎，以一切剎入於一剎，而不壞其相者之所住處，

附C51-0：入法界品善財童子第五十一會善財童子說大樓閣所住處之二

卷本			六十華嚴	四十華嚴
菩薩等妙覺地十波羅蜜成就	僧十波羅蜜	禪定	以一法為一切法，以一切法為一法，而亦不壞諸法相者；	此大樓閣，是以一法入一切法，以一切法入於一法，而不相雜亂者之所住處，
		般若	以一眾生為一切眾生，以一切眾生為一眾生，而解眾生無差別者；	此大樓閣，是以一眾生入一切眾生，以一切眾生入一眾生，而不壞其相者之所住處，
		方便	以一佛為一切佛，以一切佛為一佛，而解諸佛無有二者；	此大樓閣，是以一佛入一切佛，以一切佛入於一佛，而不壞其相者之所住處，
		願	以三世為一念，以一念為三世者；	此大樓閣是於一念中而知一切三世者之所住處，
		力	於一念中，詣一切刹者；	此大樓閣是於一念中往詣一切國土者之所住處，
		智		此大樓閣是於一切眾生前悉現其身者之所住處，
	妙覺地十波羅蜜	佛	普照饒益一切眾生者；	此大樓閣是心常利益一切世間者之所住處，
		法	得一切入者；	此大樓閣是得自在力能遍至一切處者之所住處，
		僧	出過眾生，為教化故，而不捨離者；	此大樓閣，是雖已出，一切世間，為欲教化諸眾生故，而恒於中普現其身，不捨離者之所住處，
		精進	不依一切刹，而遊行莊嚴一切世界，供養佛者；	此大樓閣，是不依著一切刹土，欲為供養一切佛故，而遊一切諸佛刹者之所住處，
		禪定	詣一切佛無染著者；	此大樓閣，是不動本處，能普往詣一切佛刹，而莊嚴者之所住處，
		般若		此大樓閣，是能遍親近一切諸佛，而不起佛想者之所住處，
		方便	依善知識，不味法者；	此大樓閣，是能遍依止一切善知識，而不起善知識想者之所住處，
		願	住一切魔宮，不樂欲者；	此大樓閣，是住一切魔宮，而不耽著欲境界者之所住處，
		力	入一切相，而不捨離一切智者；	此大樓閣，是知一切心意識法，而永離一切心想見者之所住處，
		智	了一切眾生身，無我、無眾生、無二觀者；	此大樓閣，是雖於一切眾生中而現其身，然於自他不生二相者之所住處，
	總說	佛	自身容受一切世界，而不壞法性者；	此大樓閣，是能普入一切世界，而於法界無差別相者之所住處，
		法	盡未來劫，修諸願行，而不取劫長短相者；	此大樓閣，是願住未來一切劫，而於諸劫無長短想者之所住處，
		僧	不離一毛端處，而現一切世界，普為眾生說正法者；	此大樓閣，是不離一毛端處，而普現身，隨順十方一切世界者之所住處，

附C51-0：入法界品善財童子第五十一會善財童子說大樓閣所住處之三

	六十華嚴	四十華嚴
如來地智為先導四十六種入法界利益眾生成就	可尊重者；	此大樓閣，是能演說難遭遇法者之所住處，
	解甚深法者；	是能安住難知解法者之所住處，
		是能安住甚深法者之所住處，
	達無二者；	是能安住無二法者之所住處，
	了無性者；	是能安住無相法者之所住處，
	善對治者；	是能安住無對治法者之所住處，
	體法空者；	是能安住無所得法者之所住處，
		是能安住無戲論法者之所住處，
	住慈悲者；	是能安住大慈大悲者之所住處，
	遠離一切聲聞、緣覺地者；	是已越度一切二乘所知境者之所住處，
	超出一切魔境界者；	是已超過一切魔境界者之所住處，
	不染一切世間境界者；	是已能於一切世法無所染者之所住處，
	究竟一切菩薩法門者；	是已能到一切菩薩所到岸者之所住處，
	隨順一切佛法門者；	是已能住一切如來所住處者之所住處，
	厭一切生死，而不證聲聞，離生法者；	是雖已離一切諸相，而亦不入聲聞正位者之所住處，
	知一切法無生，而亦不起不生見者；	是雖已了諸法無生，而亦不住無生法性者之所住處，
	觀不淨法，不證離欲法，不染愛者；	是雖已觀貪欲不淨，而不證離貪法，亦不與貪欲俱者之所住處，
	修習大慈，不為除滅瞋恚法者；	是雖修於慈而不證離瞋法，亦不與瞋垢俱者之所住處，
	觀於緣起，一切法中，無愚癡者；	是雖觀一切十二緣起，而不證離癡法，亦不與癡惑俱者之所住處，
	住於四禪，不隨生者；	是雖住四禪，而以大悲願力，不隨禪生者之所住處，
	住四無量，不生無色，為教化者；	是雖住四無量，為化眾生故，而不生於色界者之所住處，
		是雖修四無色定，以大悲故，而不住無色界者之所住處，
	修習止觀，不證明脫化眾生者；	是雖勤修止觀，為化眾生故，而不證明脫者之所住處，
		是雖行於捨，而以大悲，不捨一切化眾生事者之所住處，
	住空三昧，滅無見者；	是雖觀於空，然不起空見者之所住處，
	住無相三昧，為化眾生，不捨相者；	是雖行無相，而常教化著相眾生者之所住處，
	住無願三昧，不捨菩薩一切願者；	是雖行無願，而不捨菩提一切行願者之所住處，

附C51-0：入法界品善財童子第五十一會善財童子說大樓閣所住處之四

	六十華嚴	四十華嚴
如來地智為先導四十六種入法界利益眾生成就	一切煩惱業中，得自在力，為教化故，示現隨順煩惱業者；	是雖於一切業煩惱中而得自在，為欲教化成熟眾生，而現隨順業煩惱者之所住處，
	離於生死，而現受生，為教化者；	是雖無生死，而為化眾生，示受生死者之所住處，
	離一切趣，現入諸趣，化眾生者；	是雖已離一切諸趣，為化眾生，示入諸趣者之所住處，
	修大慈悲，不隨愛者；	是雖行於慈，而於諸眾生，無所愛戀者之所住處，
		是雖行於悲，而於諸眾生，無所取著者之所住處，
	修習喜心，見眾生苦，常憂感者；	是雖行於喜，而觀苦眾生，心常哀愍者之所住處，
	修習捨心，而不捨離利他事者；	是雖行於捨，而不廢捨利益他事者之所住處，
	得九次第定，而不厭離欲界生者；	是雖行九次第定，而不厭離欲界受生者之所住處，
	離於諸受，而不證實際者；	是雖知一切法無生無滅，而不於實際作證者之所住處，
	住三脫門，而不證聲聞解脫法者；	是雖入三解脫門，而不取聲聞解脫者之所住處，
	觀四真諦，而不證諸果者；	是雖觀四聖諦，而不住小乘聖果者之所住處，
	觀於緣起，離邊見者；	是雖觀甚深緣起，而不住究竟寂滅者之所住處，
	修八正道，而不永出生死難者；	是雖修八聖道，而不求永出世間者之所住處，
	超凡夫地，而不墮於二乘地者；	是雖超凡夫地，而不墮聲聞辟支佛地者之所住處，
	觀陰熾然，而不永滅於五陰者；	是雖觀五取蘊，而不永滅諸蘊者之所住處，
	離四魔道，而不永捨諸魔覺者；	是雖超出四魔，而不分別諸魔境界者之所住處，
	捨六入障，而現受者；	是雖不著六處，而不永滅六處者之所住處，
	觀真如相，而不證於實際法者；	是雖安住真如，而不墮實際者之所住處，
	現學一切乘，而不捨離摩訶衍者。	是雖說一切乘，而不捨大乘者之所住處，
總說	如此樓觀，住一切功德者之所住處。	此大樓閣，是住如是一切無量諸功德者之所住處，

(返回第729頁)

附C51-1：入法界品善財童子第五十一會善財童子說大樓閣偈之一

依證入自性地佛法僧三十波羅蜜成就法界大樓閣（等妙覺）	佛十波羅蜜	佛	安住大慈心，彌勒摩訶薩，具足妙功德，饒益諸群生。
		法	住於灌頂地，諸佛之長子，思惟佛境界，安住此法堂。
		僧	一切諸佛子，常履大乘行，遊行諸法界，安住此法堂。
		精進	施戒忍精進，禪智方便願，究竟彼岸者，安住此法堂。
		禪定	無礙智如空，普照三世法，了知一切者，安住此法堂。
		般若	解了一切法，真實無生相，如鳥遊空者，安住此法堂。
		方便	除滅貪恚癡，一切諸顛倒，常樂寂靜者，安住此法堂。
		願	三脫門道觀，陰入界緣起，遠離惡道者，安住此法堂。
		力	深入無礙智，等觀眾生剎，知法無性者，安住此法堂。
		智	三世法無礙，猶如空中風，無所染著者，安住此法堂。
	法十波羅蜜	佛	見眾生受苦，無有歸依處，大悲普濟者，安住此法堂。
		法	見盲冥眾生，捨正入險路，為示正道者，安住此法堂。
		僧	見諸有為中，生老病死逼，令免恐怖者，安住此法堂。
		精進	見眾生結患，積集智慧藥，悲心醫王者，安住此法堂。
		禪定	見無量眾生，漂溺生死海，大悲船度者，安住此法堂。
		般若	深入生死海，摧滅煩惱龍，採佛智寶者，安住此法堂。
		方便	願地慈悲眼，觀海出眾生，如金翅鳥者，安住此法堂。
		願	法界空中行，猶如淨日月，慧光普照者，安住此法堂。
		力	為一一眾生，盡未來際劫，荷負諸苦者，安住此法堂。
		智	一一諸剎中，盡來劫修行，金剛精進者，安住此法堂。
	僧十波羅蜜	佛	一坐處聞持，諸佛法無厭，大智慧海者，安住此法堂。
		法	遍遊世界海，及諸大眾海，供養佛海者，安住此法堂。
		僧	一切劫海中，修諸願行海，出生功德者，安住此法堂。
		精進	一一毛孔中，佛剎劫眾生，無礙眼見者，安住此法堂。
		禪定	一念中遍入，不可說諸劫，知念無礙者，安住此法堂。
		般若	一切剎微塵，眾生水滸等，生此等願者，安住此法堂。
		方便	無量劫修行，總持禪定願，解脫法門者，安住此法堂。
		願	一切諸佛子，出生無量德，饒益眾生者，安住此法堂。
		力	成就無礙智，通明巧方便，隨應現生者，安住此法堂。
		智	從初發道心，究竟一切行，化身滿法界，顯現自在力。
	自性法	僧	一念成正覺，入無量智業，莫能測量者，安住此法堂。
		法	無礙淨慧力，遊行諸法界，無垢智觀者，安住此法堂。
		佛	成就無礙足，一切無所著，了剎無二者，安住此法堂。
總說		觀諸寂滅法，皆悉如虛空，離垢境界者，安住此法堂。	

附C51-1：入法界品善財童子第五十一會善財童子說大樓閣偈之二

成就涅槃十波羅蜜及菩薩十波羅蜜（如來地）	涅槃十波羅蜜	佛	大悲觀眾生，諸苦所逼迫，拔濟饒益者，安住此法堂。
		法	不離一坐處，普現眾生前，如明淨日月，除滅魔鉤餌。
		僧	佛子住此堂，哀愍諸群生，出無量化身，充滿諸法界。
		精進	佛子住此堂，遍遊諸世界，一切如來所，無量無數劫。
		禪定	無依入此堂，稱量佛境界，無量無數劫，其心無厭倦。
		般若	佛子住此堂，念念入諸定，一一三昧門，顯現佛境界。
		方便	佛子住此堂，覺了一切剎，三世一切劫，眾生佛名號。
		願	佛子住此堂，諸劫為一念，遠離妄想惑，隨順於眾生。
		力	佛子住此堂，修習諸三昧，一一心念中，了達三世法。
		智	佛子住此堂，一處跏趺坐，普現一切剎，一切諸趣中。
	菩薩十波羅蜜	佛	佛子住此堂，悉飲佛法海，深入智慧海，超度功德海。
		法	無礙智思量，三世無數剎，諸劫諸如來，無數眾生類。
		僧	佛子住此堂，常於一念中，了知於三世，諸佛刹成敗。
		精進	善知諸最勝，所修諸行願，并眾生諸根，修習佛境界。
		禪定	一一微塵中，見一切劫剎，諸佛及眷屬，一切眾生類。
		般若	佛子住此堂，常觀一切法，眾生刹世劫，皆悉無自性。
		方便	觀察眾生等，法等如來等，願等世界等，三世悉平等。
		願	佛子住此堂，教化諸群生，供養諸如來，思惟諸法界。
		力	無量智慧業，滿足諸大願，無數劫演說，不可得窮盡。
		智	一切諸佛子，具足無量德，安住此法堂，我合掌敬禮。
	總說	諸佛之長子，彌勒無礙行，我今合掌禮，唯願慈矜愍。	

(返回第729頁)

附C51-2：入法界品善財童子五十三參之彌勒菩薩說偈讚歎善財童子之一

佛十波羅蜜	佛	善財童子者，淨直心智慧，專求菩薩行，而來至我所。
	法	善來大悲雲，能雨甘露法，具足三淨眼，菩薩行無厭。
	僧	善來正直心，精進無懈倦，諸根悉調伏，專求菩薩行。
	精進	善來無壞行，常求善知識，了達一切法，教化諸群生。
	禪定	善來清淨道，安住功德藏，勇猛精進力，逮得最勝地。
	般若	善來難見者，諸佛功德子，增長諸善根，深入無量境。
	方便	善來平等者，利衰及毀譽，苦樂世間法，其心無所染。
	願	善來安樂者，直心離諂曲，除滅於憍慢，瞋恚放逸法。
	力	善來最勝藏，觀察一切眾，長養功德藏，其心無疲倦。
	智	善來三世智，圓滿諸法界，了佛功德藏，其心無疲倦。
法十波羅蜜	佛	善來妙蓮華，增長名稱雲，諸佛子教來，我示無礙趣。
	法	成就智慧網，了達不思議，廣修菩薩行，教化諸群生。
	僧	專求佛菩提，修習離垢行，聞持諸大願，至此無疲倦。
	精進	去來現在佛，所成諸行業，善財欲修學，故來至我所。
	禪定	志求真法師，演說正道法，善教菩薩者，故來至我所。
	般若	佛子修智慧，具足於菩提，親近善知識，故來至我所。
	方便	眾生慈父母，長養諸功德，究竟菩提道，故來至我所。
	願	生老病死者，無上良醫王，眾生之釋天，雨甘露法藥。
	力	眾生明淨日，普照諸正道，眾生之淨月，功德圓滿故。
	智	譬如須彌山，怨親心不動，猶如大海水，未曾有增減，
僧十波羅蜜	佛	猶如海導師，度脫無量眾，一切無所著，故來至我所。
	法	勇健精進力，拯救諸眾生，悉令得安樂，專求善知識。
	僧	建立正法幢，顯現佛功德，除滅惡道苦，開諸善趣門。
	精進	能詣諸導師，觀見佛妙身，聞持彼密教，專求點慧師。
	禪定	欲具妙智色，託生種姓家，究竟諸功德，故來至我所。
	般若	無比正直心，親近善知識，聞其所說教，皆悉能奉行。
	方便	因昔無量德，文殊令發心，隨順其教命，專求佛菩提。
	願	捨天宮家屬，父母諸親戚，世間一切樂，謙苦求知識。
	力	如是清淨行，於此命終已，得諸勝妙果，昇入佛法堂。
	智	善財見眾生，生老病死苦，為發大悲心，專求佛菩提。
精進十波羅蜜	佛	見五道輪轉，眾苦所逼迫，修智金剛輪，壞散苦趣輪。
	法	眾生田荒穢，貪恚邪見刺，為淨修治故，專求利智犁。
	僧	眾生處癡闇，盲冥失正路，善財為導師，慧光示正道。
	精進	忍辱為密鎧，執持慧利劍，乘於三脫門，摧滅煩惱賊。
	禪定	善財勇猛力，普為三界眾，除滅諸恐怖，令置安隱處。
	般若	善財為海師，造立大法船，越度爾焰海，令住淨寶洲。
	方便	善財為一切，法界中淨日，以願智慧光，普照眾生類。
	願	善財為覺月，妙法悉圓滿，慈定清涼光，滅諸煩惱熱。

附C51-2：入法界品善財童子五十三參之彌勒菩薩說偈讚歎善財童子之二

精進	力	善財智海依，直心金剛地，菩薩行漸深，出生妙法寶。
	智	菩提心龍王，昇於法界空，興雲雨甘露，長養白淨果。
禪定十波羅蜜	佛	淨信心為炷，慈悲為香油，正念為寶器，然彼耀世燈。
	法	道心迦羅邏，慈悲為胞段，菩提分肢節，長養如來藏。
	僧	增益功德藏，清淨智慧藏，熾盛智慧藏，成滿諸願藏。
	精進	如是大莊嚴，救護諸群生，一切天人中，難聞難得見。
	禪定	如是智慧樹，根深不可動，方便為敷茂，饒益諸群生。
	般若	欲聞一切法，除滅諸疑惑，具足妙功德，專求善知識。
	方便	摧滅煩惱魔，消滅邪愛垢，悉令得解脫，專求智慧者。
	願	安住功德道，究竟滅三塗，開示諸善趣，令具涅槃道。
	力	顯現八正路，除滅諸邪見，壞裂煩惱網，消竭愛欲海。
	智	善財明淨日，普照群萌類，能為調御士，拯濟三有眾。
般若十波羅蜜	佛	覺悟於一切，永出五欲泥，除滅虛妄想，為開解脫門。
	法	分別諸法界，嚴淨如來刹，究竟一切法，善財應歡喜。
	僧	勇猛修方便，信心不可壞，積集妙功德，成滿諸大願。
	精進	不久見諸佛，了達一切法，嚴淨諸佛刹，成就佛菩提。
	禪定	隨順威儀海，究竟諸行海，度脫於一切，無量眾生海。
	般若	出生諸善法，具足妙功德，與諸佛子等，圓滿解脫法。
	方便	成滿諸大願，降伏一切魔，具足清淨業，除滅諸煩惱。
	願	成就一切智，了達甚深法，除滅諸群生，煩惱眾苦患。
	力	一切眾生輪，迴流生死輪，為轉淨法輪，除滅眾苦輪。
方便十波羅蜜	智	守護佛種姓，淨修法種姓，攝取僧種性，了三世種姓。
	佛	成滿大願網，壞散邪見網，斷裂諸愛網，決破眾苦網。
	法	成就直心性，具足智慧性，嚴淨世界性，度脫眾生性。
	僧	善財令一切，無量諸群生，諸佛及菩薩，皆悉大歡喜。
	精進	善財淨慧光，普照諸刹法，一切眾生類，皆見無量佛。
	禪定	照明諸法界，清淨眾生界，遠離諸惡道，除滅三有苦。
	般若	令眾離邪道，顯現諸善道，修習八正道，安立解脫道。
	方便	普令諸群生，度脫生死海，除滅諸煩惱，安住功德海。
	願	消竭煩惱海，令度三有海，諸根悉調伏，不染於世間。
	力	(以下缺文)
	智	

(返回第732頁)

附C51-4：入法界品善財童子五十三參之彌勒菩薩說菩提心功德之一

佛十波羅蜜	佛	菩提心者，則為一切諸佛種子，能生一切諸佛法故；
	法	菩提心者，則為良田，長養眾生白淨法故；
	僧	菩提心者，則為大地，能持一切諸世間故；
	精進	菩提心者，則為淨水，洗濯一切煩惱垢故；
	禪定	菩提心者，則為大風，一切世間無障礙故；
	般若	菩提心者，則為盛火，能燒一切邪見愛故；
	方便	菩提心者，則為淨日，普照一切眾生類故；
	願	菩提心者，則為明月，諸白淨法悉圓滿故；
	力	菩提心者，則為淨燈，普照一切諸法界故；
	智	菩提心者，則為淨眼，悉能觀見邪正道故；
法十波羅蜜	佛	菩提心者，則為大道，皆令得入一切智城故；
	法	菩提心者，則為正濟，悉令得到出要處故；
	僧	菩提心者，則為大乘，容載一切諸菩薩故；
	精進	菩提心者，則為門戶，令入一切菩薩行故；
	禪定	菩提心者，則為宮殿，安住修習三昧法故；
	般若	菩提心者，則為園觀，於中遊戲受法樂故；
	方便	菩提心者，則為勝宅，一切眾生所歸依故；
	願	菩提心者，則為依止，因修一切菩薩行故；
	力	菩提心者，則為守護，能滿菩薩諸大願故；
	智	
僧十波羅蜜	佛	菩提心者，則為慈母，增長一切諸菩薩故；
	法	菩提心者，則為養育，守護一切諸菩薩故；
	僧	菩提心者，則為善知識，離一切惡諸恐怖故；
	精進	菩提心者，則為大王，勝諸聲聞、緣覺心故；
	禪定	菩提心者，則為最勝，成滿一切無比願故；
	般若	菩提心者，則為大海，悉能容受諸功德故；
	方便	菩提心者，則為須彌山王，等觀眾生心不動故；
	願	菩提心者，則為金剛圍山，攝持一切諸眾生故；
	力	菩提心者，則為雪山，長養智慧清涼藥故；
	智	菩提心者，則為香山，出生一切功德香故；
精進波羅蜜	佛	菩提心者，則為虛空，諸妙功德無邊際故；
	法	菩提心者，則為蓮華，不染一切世間法故；
	僧	菩提心者，則為寶象，悉能調伏一切根故；
	精進	菩提心者，則為寶馬，遠離諸惡懼怯法故；
	禪定	菩提心者，則為調御師，悉能守護摩訶衍故；

附C51-4：入法界品善財童子五十三參之彌勒菩薩說菩提心功德之二

精進波羅蜜	般若	菩提心者，則為良藥，療治一切煩惱病故；
	方便	菩提心者，則為沃焦，消盡一切不善法故；
	願	菩提心者，則為金剛，壞散一切諸惡法故；
	力	菩提心者，則為和香，出生一切功德香故；
	智	菩提心者，則為妙華，一切世間所愛樂故；
禪定十波羅蜜	佛	菩提心者，則為白栴檀，除滅五欲諸熱病故；
	法	菩提心者，則為樂器，微妙音聲聞法界故；
	僧	菩提心者，則為勇健，摧滅煩惱諸怨敵故；
	精進	菩提心者，則為善鑷，拔出一切煩惱刺故；
	禪定	菩提心者，則為尊主，於餘一切莫能勝故；
	般若	菩提心者，則為毘沙門天王，捨離一切諸貧苦故；
	方便	菩提心者，則為妙德，莊嚴一切諸功德故；
	願	菩提心者，則為莊嚴具，嚴飾一切諸菩薩故；
	力	菩提心者，則為火災，焚燒一切有為法故；
	智	菩提心者，則為無壞藥王樹根，長養一切諸佛法故；
般若十波羅蜜	佛	菩提心者，則為龍珠，除滅無量煩惱毒故；
	法	菩提心者，則為水珠，淨諸心垢煩惱濁故；
	僧	菩提心者，則為如意珠，具足一切功德利故；
	精進	菩提心者，則為天德瓶，滿足一切所欲樂故；
	禪定	菩提心者，則為劫初樹，出生一切莊嚴具故；
	般若	菩提心者，則為恒娑衣，不受一切諸塵垢故；
	方便	菩提心者，則為正業，本性淨故；
	願	菩提心者，則為利犁，修治一切眾生田故；
	力	菩提心者，則為那羅延箭，悉能鑒徹身見鎧故；
	智	菩提心者，則為厭離，決定了知苦患相故；
方便十波羅蜜	佛	菩提心者，則為利稍，能刺一切煩惱賊故；
	法	菩提心者，則為甘露雨，能滅一切煩惱火故；
	僧	菩提心者，則為利劍，斬除一切煩惱惡故；
	精進	菩提心者，則為金椎，壞散一切憍慢山故；
	禪定	菩提心者，則為利刀，斬截七使煩惱鎧故；
	般若	菩提心者，則為勇健幢，傾倒一切諸魔幢故；
	方便	菩提心者，則為鉞斧，斫伐無知諸苦樹故；
	願	菩提心者，則為器仗，防護一切諸艱難故；
	力	菩提心者，則為善手，防護一切諸度身故；
	智	菩提心者，則為妙足，安立一切諸功德故；

附C51-4：入法界品善財童子五十三參之彌勒菩薩說菩提心功德之三

願十波羅蜜	佛	菩提心者，則為眼藥，除滅一切無明瞋故；
	法	菩提心者，則為善拔刺，悉能拔出身見刺故；
	僧	菩提心者，則為安隱床，除滅一切生死苦床故；
	精進	菩提心者，則為善友，度脫無量生死難故；
	禪定	菩提心者，則為善利，遠離一切衰耗法故；
	般若	菩提心者，則為天人師，善知菩薩出要道故；
	方便	菩提心者，則為寶藏，無量功德不可盡故；
	願	菩提心者，則為涌泉，清冷智慧無窮盡故；
	力	菩提心者，則為淨鏡，顯現一切諸法門故；
	智	菩提心者，則為淨池，洗濯一切諸垢穢故；
力十波羅蜜	佛	菩提心者，則為大河流，引諸度四攝法故；
	法	菩提心者，則為龍王，悉能普雨甘露法故；
	僧	菩提心者，則為命根，任持菩薩大悲法故；
	精進	菩提心者，則為甘露，能令安住不死法故；
	禪定	菩提心者，則為羅網，網取一切所應化故；
	般若	菩提心者，則為善網，攝取一切諸眾生故；
	方便	菩提心者，則為鉤餌，釣出生死淵居眾生故；
	願	菩提心者，則為阿伽陀藥，除滅一切諸惡患故；
	力	菩提心者，則為波羅提毘叉藥，悉能療治五欲毒故；
	智	菩提心者，則為大地，消滅無量邪想水故；
智十波羅蜜	佛	菩提心者，則為風輪，壞散一切諸障蓋故；
	法	菩提心者，則為寶洲，出生道品功德寶故；
	僧	菩提心者，則為種性，長養一切白淨法故；
	精進	菩提心者，則為居宅，納受一切功德寶故；
	禪定	菩提心者，則為大城，菩薩、商人所住處故；
	般若	菩提心者，則為金藥，消煩惱垢，令清淨故；
	方便	菩提心者，則為香蜜，具足一切功德味故；
	願	菩提心者，則為正道，令入一切智城故；
	力	菩提心者，則為寶器，容受一切白淨法故；
	智	菩提心者，則為時澤，悉能除滅煩惱塵故；
等覺波羅蜜	佛	菩提心者，則為安住，出生菩薩之所住故；
	法	菩提心者，則為壽行，不取聲聞諸解脫故；
	僧	菩提心者，則為瑠璃寶，其性淨妙不受垢故；
	精進	菩提心者，則為伊尼羅寶，勝諸聲聞、緣覺智故；
	禪定	菩提心者，則為法鼓，覺悟煩惱長寢眾生故；

附C51-4：入法界品善財童子五十三參之彌勒菩薩說菩提心功德之四

等覺波羅蜜	般若		菩提心者，則為淨水，其性清淨，無垢濁故；
	方便		菩提心者，則為閻浮檀金，令有為善，如聚墨故；
	願		菩提心者，則為山王，超出一切諸世間故；
	力		菩提心者，則為歸依，悉能救護諸眾生故；
	智		菩提心者，則為實義，遠離一切虛妄法故；
就菩提心所成功德結會	涅槃法	佛	菩提心者，則為無上寶，悉令歡喜，得滿足故；
		法	菩提心者，則為大會，隨彼所須，令充悅故；
		僧	菩提心者，則為尊長，於諸眾生無倫匹故；
		總說	菩提心者，則為寶藏，受持一切諸佛法故；
	菩薩法	佛	菩提心者，則為因陀羅網，攝諸煩惱阿修羅故；
		法	菩提心者，則為毘樓那風，震動教化眾生心故；
		僧	菩提心者，則為因陀羅火，焚燒一切煩惱習故；
		總說	菩提心者，則為無上塔，一切天人應供養故。

(返回第732頁)

附C51-5：入法界品善財童子五十三參之彌勒菩薩說得菩提心功德之一

佛十波羅蜜	佛	善男子！譬如有人得自在藥，離五恐怖。何等為五？所謂：火不能燒、水不能漂、毒不能中、刀不能傷、熏不能害。菩薩摩訶薩亦復如是，發菩提心，攝薩婆若，離五恐怖。何等為五？所謂：不為欲火所燒，諸有流水所不能漂，瞋恚惡毒所不能中，煩惱利刀所不能傷，邪覺觀煙熏不能害。
	法	善男子！譬如有人得解脫藥，終不橫死。菩薩摩訶薩亦復如是，得菩提心妙智慧藥，生死過患所不能害。
	僧	善男子！譬如有人得龍王藥，若有毒蟲聞其藥氣，即避遠去。菩薩摩訶薩亦復如是，得菩提心大龍王藥，一切煩惱諸惡毒蟲，聞其藥氣，皆悉散滅。
	精進	善男子！譬如有人得不可壞藥，一切怨敵，不得其便。菩薩摩訶薩亦復如是，得菩提心不壞法藥，一切煩惱諸魔怨敵，所不能壞。
	禪定	善男子！譬如有人得頻伽陀藥，能出毒刺。菩薩摩訶薩亦復如是，得菩提心頻伽陀藥，能出三毒諸邪見刺。
	般若	善男子！譬如有人得善見藥王，滅一切病。菩薩摩訶薩亦復如是，得菩提心善見藥王，滅一切眾生諸煩惱病。
	方便	善男子！譬如刪陀那大藥王樹，其有眾生在彼樹蔭，身諸惡瘡皆得除愈。菩薩摩訶薩亦復如是，得菩提心刪陀藥樹，其有眾生依蔭此樹，一切煩惱不善業瘡，皆得除愈。
	願	善男子！譬如藥王樹，名無壞根，以其力故，長養一切閻浮提樹。菩提心樹亦復如是，以其力故，長養一切學、無學菩薩善根。
	力	善男子！譬如藥草，名阿藍婆，若用塗體，身得柔澤，意離諸惡。菩薩摩訶薩亦復如是，得菩提心阿藍婆藥，長身、口、意諸善行業。
法十波羅蜜	智	善男子！譬如有人得念力藥，有所聞法，終不忘失。菩薩摩訶薩亦復如是，得菩提心念力藥者，聞持一切佛法不忘。
	佛	善男子！譬如有藥，名曰蓮華，其有服者，住壽一劫。菩薩摩訶薩亦復如是，服菩提心蓮華藥者，阿僧祇劫而得自在。
	法	善男子！譬如有人執翳身藥，一切眾生所不能見。菩薩摩訶薩亦復如是，得菩提心翳身藥者，一切諸魔所不能見。
	僧	善男子！譬如大海有摩尼寶，名積眾寶，若不至他方，設火災起，乃至消滅海水一滸無有是處。菩提之心積眾寶珠，亦復如是，處於菩薩直心海中，乃至以一善根迴向薩婆若，有忘失者，無有是處，而薩婆若無所染著，不離善根。
	精進	善男子！譬如摩尼名淨光明，有人以此瓔珞身者，蔽餘寶光，悉如聚墨。菩薩摩訶薩亦復如是，以菩提心摩尼寶珠瓔珞其身，映蔽聲聞、緣覺心寶。
	禪定	善男子！譬如水珠，置濁水中，水即澄清。菩提心珠亦復如是，除滅一切煩惱垢濁。
	般若	善男子！譬如有人得住水寶珠，瓔珞其身，入深水中而不沒溺。菩薩摩訶薩亦復如是，得菩提心住水寶珠，入生死海而不沈沒。
	方便	善男子！譬如有人得大龍寶珠，往到龍所，龍不為害。菩薩摩訶薩亦復如是，得菩提心大龍寶珠，入欲界中，煩惱惡龍所不能害。
	願	善男子！譬如帝釋有摩尼寶，瓔珞其身，於天中尊。菩薩摩訶薩亦復如是，著菩提心寶瓔珞者，悉於一切三界中尊。

附C51-5：入法界品善財童子五十三參之彌勒菩薩說得菩提心功德之二

法波羅蜜	力	善男子！譬如有人得隨意珠，除滅一切貧窮困苦。菩薩摩訶薩亦復如是，得菩提心隨意寶珠，除滅一切邪命貧苦。
	智	善男子！譬如火珠，因日光發，能出猛焰，得菩提心。明淨火珠亦復如是，因大慧光所感發故，出智慧火。
僧十波羅蜜	佛	善男子！譬如月珠，因月光發出清涼水，得菩提心。淨月寶珠亦復如是，因彼迴向善根，月光所感發已，出生善根諸大願水。
	法	善男子！譬如龍王著如意寶冠，遠離恐怖。菩薩摩訶薩亦復如是，著菩提心大悲如意寶冠，遠離一切惡道諸難。
	僧	善男子！譬如莊嚴一切眾生藏摩尼寶，悉能成滿一切所願，無所損減，得菩提心。妙莊嚴藏摩尼寶者，成滿菩薩，及餘眾生所欲願樂，無所損減。
	精進	善男子！譬如轉輪王有摩尼寶，普照宮殿滅一切闇。菩薩摩訶薩亦復如是，得菩提心摩尼寶者，悉能普照五趣宮殿，滅一切闇。
	禪定	善男子！譬如有人為紺色寶光明所觸，即同其色。菩薩摩訶薩亦復如是，得菩提心紺色寶光，觀察諸法，善根迴向，同薩婆若色。
	般若	善男子！如瑠璃寶於百千歲處不淨中，不為所染。菩提之心淨瑠璃寶亦復如是，於百千劫住欲界中，不為五欲之所染污，其性淨故。
	方便	善男子！如離垢光淨摩尼寶，出一切寶。菩提之心離垢光寶亦復如是，出生凡夫、聲聞、緣覺、菩薩、諸佛功德珍寶。
	願	善男子！譬如大摩尼寶，悉能除滅一切諸闇。菩提心寶亦復如是，除滅一切無知闇冥。
	力	善男子！譬如大海有無價寶，商人船車載之入城，餘摩尼寶無與等者。菩提之心無價寶珠亦復如是，處生死海，菩薩摩訶薩以大願船載入解脫城，聲聞、緣覺諸功德寶，所不能及。
	智	善男子！譬如離垢大摩尼寶，處閻浮提，能照四萬由旬日月宮殿，皆悉顯現。菩提之心離垢寶珠亦復如是，住於生死，照法界空，佛境宮宅，悉令顯現。
精進十波羅蜜	佛	善男子！譬如摩尼風王，能持日月所照境界，所有香華一切品類。菩提之心摩尼風王亦復如是，悉能攝持一切種智所照境界，一切天人，聲聞、緣覺，諸佛菩薩，及諸有漏、無漏善根。
	法	善男子！譬如海中有摩尼寶，名曰海藏，顯現海中諸莊嚴事。菩提之心海藏寶珠亦復如是，顯現一切智境諸莊嚴事。
	僧	善男子！譬如閻浮檀金，除如意寶，勝一切寶。菩提之心閻浮檀金亦復如是，除一切智勝諸功德。
	精進	善男子！譬如有人善能呪龍，於諸龍中而得自在。菩薩摩訶薩亦復如是，得菩提心善呪術法，於一切煩惱龍而得自在。
	禪定	善男子！譬如勇士被執鎧仗，一切怨敵所不能壞。菩薩摩訶薩亦復如是，被菩提心大莊嚴具，一切煩惱諸魔怨敵，所不能壞。
	般若	善男子！譬如憂陀伽娑羅栴檀，若燒一鉢，香氣普熏小千世界；三千大千世界珍寶，所不能及。菩提心香亦復如是，以妙功德普熏法界，一切聲聞、緣覺功德，所不能及。

附C51-5：入法界品善財童子五十三參之彌勒菩薩說得菩提心功德之三

精進十波羅蜜	方便	善男子！譬如白栴檀，以塗其身，除諸惱熱，得清涼樂。菩提心香亦復如是，除滅覺觀貪恚癡熱，令智慧身悉得涼樂。
	願	善男子！譬如須彌山眾生品類，近彼山者，悉同其色。菩提心山亦復如是，若有近者，皆得同彼薩婆若色。
	力	善男子！譬如波利質多樹華香，閻浮提中，諸婆師華、薝蔔華等所不能及。菩提心香亦復如是，妙功德香，聲聞、緣覺，無漏戒定，智慧解脫，解脫知見，所不能及。
	智	善男子！譬如波利質多樹華，未開敷時，其香普熏閻浮提內，一切華香所不能及。菩提心華亦復如是，一切天人，有漏、無漏功德華香，所不能及。
禪定十波羅蜜	佛	善男子！譬如波利質多樹華，一日熏衣，薝蔔華、婆師華雖千歲熏，所不能及。菩提心華亦復如是，一日所熏功德，香徹十方佛所，一切聲聞、緣覺，以無漏心熏諸功德，於百千劫所不能及。
	法	善男子！譬如那利羅樹，根莖枝葉，及其華果，悉益眾生。菩提心樹亦復如是，依因菩薩大慈悲生，從初發心，乃至究竟一切佛法，常能饒益一切眾生。
	僧	善男子！譬如一兩阿羅娑藥，變千兩銅，以為真金，於彼藥分，無所損減。菩提心藥亦復如是，攝迴向智，除滅一切煩惱業障，淨一切法，同薩婆若色，煩惱惡業，不能損減。
	精進	譬如小火，隨所焚燒，其焰轉盛。菩提心火亦復如是，隨所緣法，慧火猛盛。
	禪定	譬如一燈然百千燈，無所損減。菩提心燈亦復如是，悉然三世諸佛慧燈，無所損減。
	般若	譬如明燈入大闇室，悉能照除一切闇冥。菩提心燈亦復如是，入心闇室，於無量劫積集癡闇，悉能除滅，具足菩薩明淨智慧。
	方便	譬如燈炷，隨其精麤，光明亦爾，若益膏油，光明轉增。菩提心炷亦復如是，隨其本願，出智慧光，普照法界，增大悲油，教化眾生，淨佛世界，行諸佛事，無有窮盡。
	願	譬如他化自在天王，冠閻浮檀金自然天冠，欲界諸天，所不能壞。菩薩摩訶薩亦復如是，冠菩提心大願天冠，聲聞、緣覺所不能壞。
	力	譬如大師子吼，小師子聞，皆悉勇健，一切禽獸，遠避竄伏。佛師子吼，諸菩薩等若聞，讚歎菩提心聲，長養法身，妄見眾生，潛伏退散。
般若波羅蜜	智	譬如有人用師子筋以為琴絃，音聲既奏，餘絃斷絕。一切如來波羅蜜身，出菩提心功德音聲，若樂五欲二乘法者，聞悉斷滅。
	佛	譬如牛、馬、羊乳合在一器，以師子乳投彼器中，餘乳消盡，直過無礙。如來師子菩提心乳，著無量劫所積諸業煩惱乳中，皆悉消盡，不住聲聞、緣覺法中。
	法	譬如迦毘伽鳥在穀中時，有大勢力，餘鳥弗及。菩薩摩訶薩亦復如是，於生死穀，發菩提心功德勢力，聲聞、緣覺所不能及。
	僧	譬如金翅鳥初始生時，其目明淨，有大勢力，大小諸鳥所不能及。菩薩摩訶薩亦復如是，生如來家，發菩提心，慧眼明淨，有大勢力；聲聞、緣覺於百千劫，修習智慧，所不能及。
	精進	譬如健士，以那羅延金剛利箭，射堅密鎧，直過無礙。菩薩摩訶薩亦復如是，以菩提心智慧利箭，射諸邪見煩惱密鎧，徹過無礙。
般若波羅蜜	禪定	譬如摩訶那伽大力勇士，奮威怒時，閻浮提人無能壞者。菩薩摩訶薩亦復如是，發大慈悲，修菩提心，一切世間諸魔眷屬，及煩惱業，所不能壞。

附C51-5：入法界品善財童子五十三參之彌勒菩薩說得菩提心功德之四

般若十波羅蜜	般若	譬如有人學大技術，雖未究竟，諸餘巧能所不能及。菩薩摩訶薩亦復如是，學菩提心願，雖未究竟，聲聞、緣覺諸餘眾生，所不能及。
	方便	譬如有人學善射術，先自安立。菩薩摩訶薩亦復如是，學一切智地，先自安立菩提之心，必得一切佛法。
	願	譬如幻師，先讀幻術，然後示現一切幻事。菩薩摩訶薩亦復如是，發菩提心，然後顯現一切諸佛菩薩正法。
	力	譬如幻術，非色現色。菩提心相亦復如是，顯現法界功德莊嚴。
	智	
方便十波羅蜜	佛	譬如有人著閻浮檀金莊嚴之具，映蔽一切，悉如聚墨。菩薩摩訶薩亦復如是，以菩提心莊嚴之具，蔽諸眾生，聲聞、緣覺，所有功德。
	法	譬如阿夜捷多鐵，此鐵少分，悉能毀壞一切餘鐵，諸鉤鎖縛。菩提之心亦復如是，斷諸邪見煩惱愛縛。
	僧	譬如疾風，隨去無礙。菩提心風亦復如是，隨所行處，除諸煩惱，悉無障礙，不住聲聞、緣覺解脫。
	精進	譬如有人善入大海而不沒溺，摩伽羅魚所不能害。菩薩摩訶薩亦復如是，以菩提心入生死海，不為生死之所染污，亦不證實際聲聞、緣覺，摩伽羅魚所不能害。
	禪定	譬如有人服食甘露，一切眾患所不能害。菩薩摩訶薩亦復如是，服菩提心甘露法藥，不墮聲聞、緣覺之地，修習大悲，滿足願行。
	般若	譬如有人用翳身藥，以塗其目，自在遊行，無能見者。菩薩摩訶薩亦復如是，得菩提心滿足大願，自在遊行，入魔境界，一切眾魔所不能見。
	方便	譬如有人依恃大王，不畏餘人。菩薩摩訶薩亦復如是，依菩提心大力法王，除滅障蓋，不畏惡道。
	願	譬如有人居深水內，不畏火焚。菩薩摩訶薩亦復如是，居菩提心善根水內，聲聞、緣覺解脫之火，所不能燒。
	力	譬如有人依恃猛將，不畏怨敵。菩薩摩訶薩亦復如是，依菩提心，不畏諸惡。
願十波羅蜜	智	譬如釋天執持金剛，降伏一切諸阿脩羅。菩薩摩訶薩亦復如是，執菩提心摧滅諸魔，及餘外道。
	佛	譬如有人服阿羅娑藥，不瘦不老，延壽無窮。菩薩摩訶薩亦復如是，服菩提心阿羅娑藥，於無量劫在生死中，修菩薩行，無所染著。
	法	譬如阿羅娑藥，初用淨水。菩提心藥亦復如是，一切菩薩所修行中，最為先首。
	僧	譬如有人，諸根法中，命根為首。菩薩摩訶薩亦復如是，諸佛正法菩提之心，最為其首。
	精進	譬如有人命根斷故，不能利益父母親族。菩薩摩訶薩亦復如是，離菩提心，不能饒益一切眾生。
	禪定	譬如大海，無能壞者。菩提心海亦復如是，聲聞、緣覺不能沮壞。
	般若	譬如日光，諸星宿光所不能蔽。菩提心日亦復如是，圓滿大願智慧日光，聲聞、緣覺無漏慧光，所不能蔽。
	方便	譬如太子初生，已為大臣之所尊重。菩薩摩訶薩亦復如是，發菩提心已，為一切聲聞、緣覺所共尊重，修大悲故。

附C51-5：入法界品善財童子五十三參之彌勒菩薩說得菩提心功德之五

願十波羅蜜	願	譬如王子年雖幼少，一切大臣皆悉敬禮。菩薩摩訶薩亦復如是，發菩提心，聲聞、緣覺皆悉敬禮。
	力	譬如王子雖未自在，已具成就國王儀相。菩薩摩訶薩亦復如是，雖為煩惱業障所覆，以具成就菩提心相。
	智	譬如目翳，見真淨寶，謂為不淨。菩提心寶亦復如是，無智不信，起不淨想。
力十波羅蜜	佛	譬如呪藥，若有眾生見聞共住，一切眾病，皆悉除愈。菩提心藥亦復如是，長養善根，攝智慧藥，滿足大願菩薩慧身，若有眾生見聞共住，修正念者，皆悉除滅煩惱諸病。譬如恒娑相衣，不受塵垢。菩提心衣亦復如是，不受一切生死塵垢。
	法	譬如有人常持甘露，專念不散，而能分別一切諸法。菩薩摩訶薩亦復如是，持菩提心甘露正法，正念不散，而能教化一切眾生，令具大願，成智慧身。
	僧	譬如犁無有扼則不堪用。菩提之心亦復如是，離正直心，於如來法，無有實義。
	精進	譬如轉輪王有妙天冠，名曰象藏；洗彼冠時，四種兵眾，遊行虛空。菩提心冠亦復如是，淨諸菩薩一切善根，遠離三有，如來智慧無為境界，虛空中行。
	禪定	譬如金剛從金性生，非餘寶生。菩提心寶亦復如是，大悲救護眾生性生，非餘善生。
	般若	譬如有樹不從根生，而能長養枝葉華果。菩提心樹亦復如是，無所依止，而能長養一切種智，通明大願，普覆世間。
	方便	譬如金剛，非一切器盡能發明，亦非諸器盡能容持。菩提心寶亦復如是，小心慳結，無智者器不能發明，諂曲邪見眾生器中，不能容持。
	願	譬如金剛，能壞眾寶。菩提之心亦復如是，決定了知一切諸法。
	力	譬如金剛，能壞眾山。菩提之心亦復如是，壞散一切諸邪見山。
智十波羅蜜	智	譬如金剛，雖破不全，一切眾寶猶不能及。菩提之心亦復如是，雖小懈怠，聲聞、緣覺諸功德寶，所不能及。
	佛	譬如破金剛，猶能除滅諸貧困苦。菩提之心亦復如是，雖復小失威儀趣法，猶能除滅諸貧窮苦。
	法	譬如小金剛，悉能破壞一切諸物。菩提之心亦復如是，緣小境界，能破一切無知癡惑。
	僧	譬如金剛，非常人所得。菩提之心亦復如是，非小心眾生之所能得。
	精進	譬如金剛，無智術者所不能識。菩提之心亦復如是，無智眾生所不能識。
	禪定	譬如金剛，無能消滅。菩提之心亦復如是，一切諸法不能消盡。
	般若	譬如金剛器仗，一切眾生，乃至摩訶那伽，不能執持，除那羅延力。菩提之心亦復如是，聲聞、緣覺不能受持，除諸菩薩摩訶薩。
	方便	譬如金剛器仗，無不鑒徹，非餘器仗之所能為。菩提之心亦復如是，觀察三世，教化眾生，阿僧祇劫受無量苦，聲聞、緣覺所不能及。
	願	譬如金剛，餘不能持，除金剛地。菩提之心亦復如是，出生菩薩行願功德，聲聞、緣覺所不能持，除薩婆若正直心者。
	力	譬如金剛器中盛水，不可消盡。菩提之心亦復如是，安住勝妙迴向善根，入生死趣，諸不善法不能消盡。
	智	譬如金剛，能持大地，不令墜沒。菩提之心亦復如是，持諸菩薩一切願行，不令墜落，沒於三界。

附C51-5：入法界品善財童子五十三參之彌勒菩薩說得菩提心功德之六

總 說	僧	譬如金剛，於百千劫，處於水中而不爛壞，亦無變異。菩提之心亦復如是，於無量劫，處生死中，諸煩惱業不能斷滅，亦無損減。
	法	譬如金剛，一切大火不能燒熱。菩提之心亦復如是，一切生死貪恚癡火，不能燒熱。
	佛	譬如金剛道場之座，能持菩薩，降伏諸魔，成等正覺，餘不能持。菩提之心亦復如是，能持一切菩薩願行，諸波羅蜜、諸忍、諸地，迴向受記，修菩提道，供養諸佛，聞法受行，一切諸心所不能持。

(返回第732頁)

入法界品善財童子五十三參之第五十二會文殊師利菩薩(合會根本智)

會 處		普門國(即一切處)。	
因緣契入		爾時，善財童子如是經遊百一十城，到普門城邊，思惟而住，觀察十方，一心專求文殊師利：何當會遇，面奉慈顏？	
文殊師利菩薩	摩善財頂		作是念時，文殊師利遙伸右手，過百一十由旬，至普門城，摩善財頂而作是言：
	文殊菩薩讚歎善財所行相應		善哉！善哉！善男子！若離信根，憂悔心沒，功行不具，退失精勤；於少功德，便以為足；於一善根，心生住著；不善發起菩薩行願，不為善知識之所攝護，不為如來之所憶念。是等皆悉不能了知如是法性、如是理趣、如是所行、如是所住；若周遍知、若種種知、若盡原底、若漸趣入、若解說、若分別、若證知、若獲得；皆悉不能。
	宣說法要勸行精進		是時，文殊師利為善財童子示教誨已，慰諭令其歡喜踊躍，令得成就阿僧祇法門，得無量大智光明、無量菩薩陀羅尼、無量大願、無量三昧、無量神通、無量智慧，皆已成就；復令得入普賢所行道場之內。既置善財自所住已，文殊師利還攝不現。
善財童子欲願證入如來地二十波羅蜜	如來地涅槃十波羅蜜	自十波羅蜜成就合會根本智	於是善財得見三千大千世界微塵等諸善知識，不違其教，
		佛	增長薩婆若大慈悲藏；
		法	以淨慧眼，普觀眾生，
		僧	安住菩薩寂靜法門，
		精進	分別了知諸法境界，
		禪定	入佛甚深大功德海；具解脫道，長養精進，
		般若	為薩婆若修正直心，入於三世甚深法海；
		方便	隨順諸佛清淨法輪，現入諸趣，於一切劫，修菩薩行，滿足大願；
		大願	明淨慧光，照一切智境，淨菩薩根，以淨慧光除愚癡翳，照一切法，
		力	了達法界一切佛刹及諸眾生，壞障礙山，住無礙法，
		智	具足成就諸地法藏，修習普賢菩薩所行。
	如來地菩薩十波羅蜜	依涅槃智	善財童子得聞普賢菩薩名號，行願功德，諸地地具、地法、地得、地次第、地修、地住、地境界、地持、地共、地正道，一心欲見普賢菩薩。爾時，善財正念起如來金剛藏道場，一切寶蓮華藏師子座心；(於如來座前發十一種心：一總十別)
		佛	虛空界等心；
		法	一切無著心；
		僧	淨一切刹無障礙心；
		精進	於一切法境界無障礙心；
		禪定	充滿一切十方心；
		般若	得薩婆若境界無量心；
		方便	莊嚴道場心；
		大願	深入分別法海心；
		力	教化成熟一切眾生廣大心；
		智	於一切劫，行菩薩行，究竟如來十力心。

入法界品善財童子五十三參之第五十三會普賢菩薩(入法界)之一

會處		即於此金剛藏菩提場，毘盧遮那如來師子座前，一切寶蓮華藏座上。
如來座前因緣會處起十種心		爾時，善財正念起如來金剛藏道場，一切寶蓮華藏師子座心；虛空界等心；一切無著心；淨一切剎無障礙心；於一切法境界無障礙心；充滿一切十方心；得薩婆若境界無量心；莊嚴道場心；深入分別法海心；教化成熟一切眾生廣大心；於一切劫，行菩薩行，究竟如來十力心。(於如來座前起十種心者，即依自性根本涅槃十波羅蜜而起十種心，此處經文與前一參重複)
善財童子發心求見普賢菩薩	見相	爾時，善財起是心時，自善根力、佛威神力、普賢菩薩諸善根力；即見十種瑞相。何等為十？所謂：(依佛法僧成就見二十波羅蜜成就相)
	善財童子依自善根力，如來加被力，普賢同善根力見相	見一切淨剎莊嚴菩提；
		見一切剎無諸惡道；
		見一切剎淨如蓮華；
		見一切剎一切眾生，身心柔軟；
		見一切剎無量莊嚴；
		見一切剎一切眾生，三十二相，莊嚴其身；
		見一切剎莊嚴雲覆；
		見一切剎一切眾生成就慈心；
		見一切剎莊嚴道場；
		見一切剎一切眾生，皆悉修習念佛三昧；是為十。
		又見十種光相：見一切世界微塵，
	普賢十波羅蜜十種光明	一一微塵中，放一切如來光明網雲，與一切世界微塵等；
		一一微塵中，放一切佛種種色光，與一切世界微塵等，普照法界；
		一一微塵中，放一切寶雲光明，與一切世界微塵等，普照法界；
		一一微塵中，放如來光焰輪雲，普照法界；
		一一微塵中，出一切香雲，普熏法界，讚歎普賢菩薩諸行，一切大願諸功德海；
		一一微塵中，放一切日月光雲，放普賢菩薩光明，普照法界；
		一一微塵中，出一切眾生等身雲，相好莊嚴，放佛光明，普照法界；
		一一微塵中，出一切菩薩身雲，究竟一切行，充滿法界；
		一一微塵中，出一切寶形像雲，充滿十方一切世界；
		一一微塵中，出一切如來身雲，與一切世界微塵等，普雨一切甘露正法，充滿法界；是為十。
	依普賢十波羅蜜	爾時，善財見十種瑞相已，即作是念：我今必見普賢菩薩，增長善根，究竟菩薩妙行；見一切佛若見普賢菩薩；得一切智想，一心恭敬，欲見普賢菩薩。
		爾時，善財即見普賢菩薩，在金剛藏道場，於如來前，處蓮華藏師子之座，大眾圍繞；心如虛空，無所染著，除滅障礙，淨一切剎；以無礙法，充滿十方，住一切智，入諸法界，教化眾生；於一切劫，行菩薩行，恭敬供養一切諸佛，心無退轉；於眾生中，最勝最上，一切世間無能壞者，一切菩薩不能察其智慧境界；具不思議諸妙功德，普觀三世等諸如來。

入法界品善財童子五十三參之第五十三會普賢菩薩(入法界)之二

善財童子發心求見普賢菩薩	善財童子依二十波羅蜜成就證入普賢法界（世界成就）	涅槃十波羅蜜十種法界出生		爾時，善財見普賢菩薩… …（觀察二十種法界出生即普賢法界智成就）
			佛	一一毛孔，放一切世界微塵等光明，普照一切虛空、法界等世界，除滅一切眾生苦患，悉能長養菩薩善根；
			法	一一毛孔，出種種香雲，普熏十方一切如來及諸眷屬；
			僧	一一毛孔，出一切世界微塵等華雲；
			精進	一一毛孔，出一切世界微塵等諸香樹雲，出眾妙香，莊嚴法界；
			禪定	一一毛孔，出一切世界微塵等妙寶衣雲，莊嚴虛空；
			般若	一一毛孔，出一切世界微塵等種種寶樹，充滿虛空，以為莊嚴，雨種種寶，供佛大眾；
			方便	一一毛孔，出一切世界微塵等色界天身，充滿一切法界，一切眾生界，讚歎菩提；
			大願	一一毛孔，出一切梵王身雲，勸請如來，轉妙法輪；
			力	一一毛孔，出一切欲天身雲，皆悉護持諸佛法輪；
			智	一一毛孔念念中，出一切世界微塵等三世諸佛，充滿虛空，無依眾生為作歸依；
		菩薩十波羅蜜十種法界出生	佛	一一毛孔念念中，出一切世界微塵等清淨佛刹，諸佛菩薩充滿其中，教化成熟無量眾生；
			法	一一毛孔念念中，出一切世界微塵等淨、不淨佛刹，充滿虛空，令染污者，皆悉清淨；
			僧	一一毛孔念念中，出一切世界微塵等不淨淨刹，調伏不淨眾生；
			精進	
			禪定	一一毛孔念念中，出一切世界微塵等一切眾生身雲，隨順世間，教化眾生；
			般若	一一毛孔念念中，出一切世界微塵等菩薩身雲，讚歎諸佛，長養一切眾生善根；
			方便	一一毛孔念念中，出一切世界微塵等初發心菩薩身雲，於一切刹，示現初發菩提之心；
			大願	一一毛孔念念中，出一切世界微塵等菩薩身雲，於一一刹，讚一切佛功德願海，普賢菩薩所行妙行；
			力	一一毛孔念念中，出一切世界微塵等普賢所行，雨甘露法，令一切眾生修薩婆若；
			智	一一毛孔念念中，出一切世界微塵等佛，初成正覺，出興于世。
	菩薩境界見普賢	世界成就		爾時，善財見如是等不可思議自在神力；見已，歡喜踊躍無量。重觀普賢一一身分、一一肢節、一一毛孔中，悉見三千大千世界風輪、
				水輪、火輪、地輪，大海寶山、須彌山王、金剛圍山，一切舍宅，諸妙宮殿，眾生等類，一切地獄、餓鬼、畜生，閻羅王處，諸天梵王，乃至人、非人等，欲界、色界，及無色界，一切劫數，諸佛菩薩，教化眾生，如是等事，皆悉顯現；十方一切世界，亦復如是。

入法界品善財童子五十三參之第五十三會普賢菩薩(入法界)之三

善財童子發心求見普賢菩薩	見普賢境界	世界十方成就	如此娑婆世界，盧舍那如來、應供、等正覺，所現自在力；東方蓮華妙德世界，賢首佛所，顯現神力，亦復如是。
			如賢首佛所，如是東方一切世界，一切佛所，顯現神力，亦復如是；如東方，南、西、北方，四維，上、下，一切世界，一切佛所，顯現神力，亦復如是。於一切世界，一切微塵，一一微塵中，現自在力，亦復如是。
	起菩薩智境界（法波羅蜜）	悉能周遍一切佛刹智波羅蜜	爾時，善財見普賢菩薩不可思議自在神力，即得十不可壞智慧法門；何等為十？所謂：
			於念念中，能以一身遍一切刹；
			於念念中，詣一切佛所；
			於念念中，恭敬供養一切諸佛；
			於念念中，一切佛所聞持正法，得一切佛法輪智波羅蜜門；
			得不思議佛自在智波羅蜜門；
			得無盡辯智慧法門；
			得般若波羅蜜觀諸法門；
			得一切法界海大方便波羅蜜門；
			得知一切眾生欲性智慧波羅蜜門；
			得普賢所行智慧波羅蜜門。
	佛波羅蜜	受普賢菩薩摩頂	爾時，普賢菩薩即伸右手，摩善財頂；摩已，善財復得一切世界微塵等諸三昧門；一一三昧門，各有一切世界微塵等三昧，以為眷屬；一一三昧中，見一切世界微塵等諸如來海，長養一切世界微塵等諸功德具，生薩婆若，滿大願海，安住正道；究竟一切諸菩薩行，發薩婆若，勇猛精進，為一切佛光明所照。
			如此娑婆世界盧舍那佛所，普賢菩薩摩善財頂，令得具足一切世界微塵等三昧門，諸妙功德；普賢菩薩在於十方一切世界諸如來所，摩善財頂，所得功德，亦復如是。
	合會		爾時，普賢菩薩告善財言：善男子！汝今見我自在神力奇特事不？
			答言：唯然，已見。此不思議莫能測者，唯除如來。
普賢說往昔所修法門	佛波羅蜜	求一切智	善男子！我於過去不可說不可說世界海微塵等劫，修菩薩行，專求菩提；
			一一劫中，見不可說不可說世界海微塵等佛，修菩提心；
			一一劫中，於一切世界，設不可說不可說廣大施會，給施一切：或施妻子、城邑、聚落、頭目、髓腦、肢節、血肉，一切身分；不惜壽命，一向專求一切種智。
			於一一劫，恭敬供養不可說不可說世界海微塵等佛，於彼佛所，出家學道，受持正法，未曾生於貪恚癡心、我我所心、樂著生死虛妄之心、輕慢他心、諸障礙心，修不可壞佛菩提心，未曾忘失。
	法波羅蜜		善男子！我所修行菩薩諸行，淨佛世界，教化眾生，長養大悲，供養諸佛及善知識，護持正法，悉捨一切內外諸物，修習世間、出世間智，令一切眾生背生死苦，讚歎一切諸佛功德；如是等事，於不可說不可說劫中演說，劫猶可盡，此諸功德不可窮盡。
僧波羅蜜		善男子！我得如是功德具力、諸善根力、樂勝法力、修功德力、觀察諸法寂滅性力、淨慧眼力、佛威神力、諸大願力、大慈悲力、淨通明力、善知識力。	

入法界品善財童子五十三參之第五十三會普賢菩薩(入法界)之四

普賢說往昔所修法門	精進	得是力故，逮得本性清淨法身，三世不壞；
	禪定	又得無上清淨色身，超出一切世間，隨應化者，莫不覩見；遊一切刹，無處不至，現自在力，見者無厭。
	般若	善男子！汝且觀我清淨法身，無量劫海行菩薩行之所成就；無量劫中，難聞、難見，種少善根。聲聞菩薩，猶尚不得聞我名字，況見我身。
	方便	善男子！若有眾生聞我名者，於阿耨多羅三藐三菩提，不復退轉；若見，若觸，若迎送，若隨行，若見光明，若見震動諸佛世界；乃至夢中見聞我者，亦復如是。
	願	若思惟念我，若一日一夜，若七日七夜，若半月，若一月，若一歲，若百歲，若一劫，若百劫，乃至不可說不可說世界微塵等劫；若一生念我，若百生，乃至不可說不可說世界微塵等生念我，亦復如是。
	力	以如是等世界微塵等諸妙方便，令一切眾生，發阿耨多羅三藐三菩提心，住不退轉。
	智	善男子！若有眾生聞我修習淨佛刹者，必得往生清淨世界；若有眾生見聞我身，必得生我清淨身中。善男子！汝復觀我清淨法身。
善財童子證入普賢菩薩入法界圓滿	觀察普賢成就法界智	爾時，善財於普賢菩薩相好肢節，諸毛孔中，見不可說不可說世界海，諸佛充滿；一一如來，以不可說不可說大菩薩眾，以為眷屬。見彼一一如來刹海，所依不同，形色各異；金剛圍山，大雲彌覆，佛興世間，所轉法輪；如是等事，皆悉不同。又見普賢菩薩於十方刹，出一切世界微塵等如來化身，教化眾生，令發阿耨多羅三藐三菩提心。（見普賢三種智）
	普賢行功德校量	爾時，善財童子經由親近一佛世界微塵等諸善知識所得功德，於見普賢菩薩所得功德，百分不及一，百千萬分乃至算數譬喻所不能及； 何以故？善財童子於念念中，入不可說不可說佛世界海，得不可說不可說微塵等諸功德藏；知諸佛海，次第興世；菩薩眾海，眷屬圍遶；了眾生根，現自在力而化度之。或一世界於一劫中，修菩薩行；乃至不可說不可說世界微塵等劫，修菩薩行。不此世界沒，不彼世界生，而能教化無量無邊世界眾生，令發阿耨多羅三藐三菩提心。
	善財成就普賢功德	爾時，善財童子能自究竟普賢所行諸大願海，不久當與一切佛等，一身充滿一切世界刹等、身等、行等、正覺等、自在力等、轉法輪等、諸辯才等、妙音聲等、方便等、無畏力等、佛所住等、大慈悲等、不思議法門自在力等。
普賢菩薩說偈結會	結會法門	爾時，普賢菩薩欲重明此義，以偈頌曰：（完整偈頌見附C53-1）
		汝等離煩惱，清淨心諦聽，說佛一切行，真實波羅蜜。
		超出諸世間，無上調御士，遠離煩惱垢，清淨如虛空。
		圓滿智慧日，除滅煩惱闇，普照一切法，安樂諸群生。
		如來無量劫，時乃出興世，譬如優曇華，難見難值遇。
		普為諸群萌，苦行無量劫，隨順諸世間，其心無染著。
		時諸菩薩眾，既聞普賢教，敬心聽如來，自在真實義。
		普賢真佛子，究竟一切行，常為佛所歎，言必不虛妄。
		普賢功德華，不染三界法，勸發大眾聽，無盡智慧海。

附C53-1：入法界品善財童子五十三參之第五十三會普賢菩薩說偈之一

結 會 勸 聞		汝等離煩惱，清淨心諦聽，說佛一切行，真實波羅蜜。
		超出諸世間，無上調御士，遠離煩惱垢，清淨如虛空。
		圓滿智慧日，除滅煩惱闇，普照一切法，安樂諸群生。
		如來無量劫，時乃出興世，譬如優曇華，難見難值遇。
		普為諸群萌，苦行無量劫，隨順諸世間，其心無染著。
		時諸菩薩眾，既聞普賢教，敬心聽如來，自在真實義。
		普賢真佛子，究竟一切行，常為佛所歎，言必不虛妄。
		普賢功德華，不染三界法，勸發大眾聽，無盡智慧海。
佛 十 波 羅 蜜	佛	諸佛微妙智，清淨如虛空，明了一切行，其心無所著。
	法	一念悉了達，三世一切法，善知眾生根，隨其所應化。
	僧	眾生心煩惱，諸業善不善，所樂皆悉知，而為說正法。
	精進	或見如來坐，充滿十方界，眾生罪所障，雖近而不見。
	禪定	或見初發心，遠離諸放逸，無量無數劫，修習菩薩行。
	般若	或聞諸最勝，妙音演說法，罪垢眾生等，不聞佛名號。
	方便	或見大菩薩，充滿三千界，究竟普賢行，如來為說法。
	願	或見盧舍那，無量無數劫，嚴淨此世界，得成最正覺。
	力	或見賢首佛，普賢大菩薩，斯等悉充滿，蓮華妙德刹。
	智	或見阿彌陀，觀世音菩薩，灌頂授記者，充滿諸法界。
法 十 波 羅 蜜	佛	或見阿閼佛，香象大菩薩，斯等悉充滿，妙樂嚴淨刹。
	法	或見月慧佛，金幢大菩薩，斯等悉充滿，明淨鏡妙刹。
	僧	或見日藏佛，智灌大菩薩，斯等悉充滿，清淨光明刹。
	精進	或見十方界，諸佛放光明，為眾轉法輪，除滅愚癡暗。
	禪定	或見一毛孔，不可說佛刹，諸佛莊嚴身，佛子眾圍遶，
	般若	為轉正法輪，度脫諸群生。
	方便	或於一毛孔，普見諸佛子，無數億劫中，修習菩薩行。
	願	或於一一塵，悉見無量刹，或淨或垢穢，諸行業所起，
	力	或見盧舍那，於彼轉法輪，顯現自在力，方便入涅槃。
	智	觀察眾生類，一切業煩惱，顯現自在力，化之令解脫。
僧 十 波 羅 蜜	佛	如是諸法王，十方世界中，顯現自在力，我今說少分。
	法	或見釋迦文，初成等正覺，饒益諸群生，一切莫能測。
	僧	或見為菩薩，供養一切佛，或住童子地，顯現自在力，
	精進	或見行施戒，忍辱勤精進，深入諸禪定，住慧方便地。
	禪定	或見究竟住，一切種智地，三昧陀羅尼，出生諸通明。
	般若	或見無量劫，修習菩薩行，逮得不退轉，甘露灌頂記。
	方便	或見為梵身，帝釋四天王，刹利婆羅門，示現此等身。
	願	或見從兜率，命終降神生，或見住宮殿，捨欲而出家，
	力智	或見坐道場，降魔成正覺，轉淨妙法輪，涅槃後起塔。

附C53-1：入法界品善財童子五十三參之第五十三會普賢菩薩說偈之二

精進波羅蜜	佛	或見無量壽，最勝天人尊，為授灌頂記，成無上導師。
	法	或見十力尊，教化已周訖，般涅槃已來，無量無數劫。
	僧	或見論師月，現處梵王宮，亦現大自在，魔王宮殿中。
	精進	或見兜率宮，諸天眾圍遶，為彼說正法，悉令大歡喜。
	禪定	或見處夜摩，帝釋四天王，諸龍夜叉王，八部宮殿中。
	般若	錠光如來所，供養得授記，如是等方便，教化諸群生。
	方便	光明身壽命，淨慧及眷屬，教化威儀聲，皆悉不可數。
	願	見佛同眾生，或身如須彌，或現跏趺坐，充滿於世界，
	力	或見光一尋，或百千由旬，或見照法界，或照一切刹。
	智	
禪定十波羅蜜	佛	或現壽百歲，百千萬億歲，無量那由他，不可思議劫。
	法	無礙清淨慧，一念知三世，悉從因緣起，而實無自性。
	僧	一刹成正覺，普現諸世界，能現一世界，而作無量刹。
	精進	示現無量刹，而為一世界，安住無上道，具足無畏力。
	禪定	無礙智慧轉，十二行法輪，知苦習盡道，十二支緣起。
	般若	四辯無礙智，演說一切法，無我無我所，亦無有自性，
		無生亦無滅，無來亦無去，皆悉如虛空，而不壞諸業。
	方便	如來為眾生，方便分別說，轉此法輪時，震動一切刹，
		大海金剛山，無有恐怖者。
	願	如來一音說，各隨所應解，滅諸煩惱垢，令住薩婆若。
般若十波羅蜜	佛	如來一音說，八部人非人，梵釋四天王，隨類音聲解。
	法	若多貪恚癡，憍慢慳嫉結，八萬四千垢，各聞對治法。
	僧	未修淨業者，聞說十善道，已修施戒者，聞說般涅槃。
	精進	染著於生死，懈怠諸群生，聞說解脫門，除滅生死苦。
	禪定	少欲知足者，樂處於閑靜，如是等眾生，聞說二乘音。
	般若	或修廣大心，具諸功德藏，親近諸佛者，聞說大乘聲。
	方便	或有一世界，聞說一乘音，或二三四五，乃至無量乘。
	願	智慧行有異，解脫無差別，猶如虛空性，無有若干相。
	力	如來微妙音，其性亦如是，隨所應化者，所聞各不同。
	智	佛以過去行，得一微妙音，無心於彼此，而能應一切。
方便十波羅蜜	佛	佛口放妙光，八萬四千數，普照諸世界，除滅眾煩惱。
	法	具足智功德，三種順眾生，離世如虛空，常現於世間。
	僧	雖復隨世現，生老病死苦，或復現住壽，其性如虛空。
	精進	如來分別知，一切眾生類，諸根及性欲，令住薩婆若。
	禪定	諸佛尊導師，示入於大眾，隨其所應化，善現威儀法。
	般若	為諸聲聞現，出家威儀法，常樂修寂滅，無餘涅槃證。

附C53-1：入法界品善財童子五十三參之第五十三會普賢菩薩說偈之三

方便	方便	婆羅門眾中，示現羸老身，縈髮而苦行，語論無窮盡。
	願	服氣或斷食，五熱以炙身，如是現苦行，降伏諸異學。
	力	或持異道戒，善算多方術，星曆地動相，種種眾生相。
	智	深入諸禪定，三昧及解脫，種種現嬉戲，令得薩婆若。
願十波羅蜜	佛	示現樂衣服，種種莊嚴身，勇健善兵法，降伏刹利故。
	法	現知治正法，時節諸義利，軟語攝眾生，降伏大臣故。
	僧	或詣四天王，八部鬼神所，方便為說法，皆令大歡喜。
	精進	或現為帝釋，安住善法堂，諸天眾圍遶，為彼演說法。
	禪定	夜摩或兜率，化樂化自在，梵王至淨居，為彼演說法。
	般若	如是現無數，種種威儀法，無量方便力，度脫諸群生。
	方便	
	願	
	力	
	智	
力十波羅蜜	佛	譬如工幻師，能現種種事，佛為化眾生，示現種種身。
	法	如月遊虛空，觀者謂增損，影現諸河池，映蔽熒火光。
	僧	如來淨智月，示現有增損，處於直心水，映蔽二乘光。
	精進	譬如深大海，珍寶不可盡，於中悉顯現，眾生形類像。
	禪定	甚深因緣海，功德寶無盡，清淨法身中，無像而不現。
	般若	譬如明淨日，照除世間闇，如來淨智日，悉除三世闇。
	方便	如龍興慶雲，普雨於一切，身心不降雨，除熱得清涼。
	願	如來亦如是，興起大悲雲，普雨甘露法，滅除三毒火。
	力	此法亦不從，如來身心出，如來淨法身，三界無倫匹。
	智	超出諸世間，非有亦非無，其實無所依，不去而遍至。
智十波羅蜜	佛	譬如夢所見，亦如空中畫，非色非無色，非相非無相，
	法	非有亦非無，其性如虛空。
	僧	如海摩尼寶，能出種種寶，眾生諸光明，而光無所有。
	精進	導師亦如是，雖有而非有，不於一處中，積集功德寶，
	禪定	大仙現虛空，如自性實際，涅槃離欲滅，皆悉是一性。
	般若	眾生心微塵，海水滸可數，虛空亦可量，佛德說無盡。
	方便	聞此法歡喜，信心無疑者，速成無上道，與諸如來等。
	願	
	力	(疑缺文)
	智	

(返回第761頁)